

# 國聞週報

第六卷

17

KUOWEN WEEKLY

Vol. VI No. 17.

紙新券包爲號准周郵中  
類聞之立認認掛特政華

## 目 要

- |   |           |          |       |
|---|-----------|----------|-------|
| 離 | 中國古代神話之研究 | 中國田產稅制問題 | 大厄運之顛 |
| 婚 |           |          | 勞結    |
| 後 |           |          | 勵     |
| 豈 | 馮承鈞纂      | 周培智編     | 歷樵譯   |
| 風 |           |          |       |

行發社報週聞國

過對鐘面四街旭界租日津天

版出日五月五年八十國民華中



# 版 權 所 有 不 許 翻 印

## 定 價 表

現款及兌票	一期	每月四期	每季十三期	半年廿五期	全年五十期
一角五分	五角五分	一元五角	二元六角	五元	

郵票代價作九五扣以半分至一角者爲限

## 郵 費 表

本 埠	本國及日本	郵遞各國
一分二	一分四	六分
二分六	一分三	二角四分
六分半	二角五分	七角八分
一角二分半	五角	一元五角
二角五分		三元

## 廣 告 價 目

地 位	一 期	四 期	十二期
全 面	二十元	六十四元	一百八十元
半 面	十元	三十二元	九十元
四分之一	五元	十六元	四十五元
六分之一	四元	十四元	四十元

底頁外面及論說封面照表加倍

封底面裏頁照表加倍

廣告概用白紙黑字如用彩印及色紙價目每期加洋一元

廣告如用圖板可由本報代辦照收製版費

刊登廣告在十二期以上價目從廉臨時面議

廣告費至少須預付半費餘俟出版時收清

本報每星期日出版廣告收稿於星期三截止

廣告文中西均可

在登載廣告期內奉送本報一份

## 編 輯 者

國 聞 週 報 社

## 總 發 行 所 印 刷 者

天津旭街四  
面鋪對過  
天津旭街四  
面鋪對過  
天津大公報社

## 分 售 處

本埠 大胡同商務印書館世界圖書局文  
華書局務本局南開華英新書天  
津書局天祥市場中新書局河北元  
緯路廣智書局鎮署對過中興書局  
美麗書店  
費城 Mr. F. T. Wang 王國海  
3712 Walnut Street Philade-  
lphia, Pa. U. S. A.  
台灣 上海市太平町三丁目文化書局  
國聞通信社中華書局泰東書局光  
華書局山東路新月書店四馬路華  
衆圖書館大世界售書處現代書局  
國聞通信社東安市場佩文齋書莊  
信託書局丹桂商場興記佩文書莊  
大公報分館海運倉朝陽大學王府  
井大街光華書局滙文學校  
大街世界書局甘棠橋下日新書社  
揚州 梅枝書局 通州 翰墨林  
成都 昌福館華陽書報流通處  
雲南 省城內文明街六號益友書報社  
湖北 宜昌鎮堂街十七號  
開封 院前街文南書局  
桂林 大西邊門外五十一號王滄洲  
奉天 樓兒底大公報分館  
太原



# 白金龍

美女目中之名烟

人人愛吸  
霧霏風行  
烟中領袖  
國貨明星

品與司公煙龍凡海南廣中

## 特色一斑

- 一 創辦最久
- 二 資料豐富
- 三 評論公正
- 四 紀載翔實
- 五 統計完備

△社址上海香港路四號銀行公會內

## 每期滿載

（一）財政（二）金融（三）商務（四）匯兌（五）證券（六）貿易（七）會計（八）統計

財政金融 商務匯兌 證券貿易 會計統計

之理與事實

民國六年創刊 **銀行週報** 每星期（報費全年五元半年二元發行三元每冊一角五分）  
凡國內各埠不另加郵費

△國內唯一之經濟雜誌▽

## 市民旬刊

商人，工匠，家庭婦女和一般市民，要想得到日常生活上應用的知識和技能，請快看中華平民教育促進會總會城市教育部出版的

- 內容豐富
- 裝訂美麗
- 定價低廉

全年大洋九角五分  
半年大洋五角  
零售大洋三分

發行處北京石駝馬大街二十二號



# 自來血

## 爲貧血症之特效藥

△大瓶二元  
△小瓶一元二角

人身以血液爲主要成分其全量大人約佔身體十二分之一初生兒即爲十九分之一女多於男壯多於老若血液減其常量時是爲「貧血」其表徵先於眼目口唇爪尖等處之皮膚黏膜變成蒼白色尤以唇臉失其紅色爲尤著其甚者全身狀爲臘人次爲筋骨衰弱步履維艱渾身倦怠思想力記憶力同時減退再次而發頭暈目眩耳鳴嘔吐吮逆欠伸及酷暑畏熱嚴冬怕冷等症皆血液衰弱惟一之主要原因 自來血爲補血妙品尤爲貧血症之特效藥老幼咸宜在此春初從速進服既可治現在之病體又可享來日之健康一舉兩得豈不善乎

上海五洲大藥房發行  
國內各埠均有批售

# 五洲固本

廠藥皂



去垢速

原料純

皂肥本固

## 麥精魚肝油



本品係用科學法提取北方最富滋養麥精配以純粹鯊魚肝油製煉而成故曰麥精魚肝油富含生活素極能補肺助胃健腦強筋生血添精化痰止咳實爲男女老幼四季常服補品

價目

每瓶六角五分  
每打六元五角

本藥房製造廠在徐家匯佔地卅餘畝內部分製皂製藥及化妝品衛生物品等各部職工凡五百餘人國內各埠五洲分公司及特約經理凡九十餘處各城鎮均有分售物美價廉尙祈各界同胞鼎力提倡藉免外溢利權不勝感幸

上海

五洲大藥房  
五洲固本廠

謹啓



中國路政界唯一之出版品

# 道路月刊

社長 王正廷  
主筆 吳山  
編輯 陸丹林

〔歡迎投稿〕

全國路政狀況盡量登載  
工程知識尤為詳備  
每月一冊一角五分  
欲知全國路市兩政消息不可不閱  
總發行所 上海霞飛路中華全國道路建設協會

路政界空前之傑作 十五餘專家之編譯

## 道路叢刊

全國九百餘頁 插圖三百餘件

陸丹林編纂  
葉恭綽王正廷劉廷湘王承斌王桂林序文  
每部實價四元郵費一角三分

### 許徵白畫例

揚州許君徵白精繪山水兼長仕女花  
卉筆墨神逸迴異流俗間摹宋元名蹟無不  
亂真自來滬濱求者紛至爰定潤例如左  
堂幅 山水 每尺十元 屏條照堂幅例六  
花 仕女 每尺六元 折加寬八折  
手卷 山水 每五尺六元 絹摺山水 六  
冊頁 花 仕女 每尺四元 絹摺仕女 每柄八元  
點品加倍 尺四 索不應 潤筆先惠 廿日  
取件 隨封 加一  
甲子孟春 吳昌碩 王一亭 鄭午昌  
收件處 曾農髯 陸丹林 黃藹農 重訂  
本處 上海霞飛路道路月刊編輯部  
上海開北青路恒裕里九十六號

欲攝優美的照相  
請到

王開照相樓

上海南京路四二五號  
電話中央一六六



C. H. WONG PHOTO.

P 528 NANKING ROAD SHANGHAI

英國侵略西藏史  
出版館本  
售代

國聞週報社叢書之三  
薛桂輪先生譯



全書一冊實售大洋貳角



# 興安屯墾

(一)

殖邊固防。爲方今亟圖。東北屯墾督辦鄒作華。近率部在興安區從事屯墾。



上圖爲札薩克圖族蒙民富戶。下圖爲野外馬群。閱之可見邊外生活一斑。



# 興安屯墾

(二)

(上) 俄木斯台溝內之松樺林



(下) 索倫北托申河兩岸風景





華北最老  
的報紙

天 津

# 大公報

全國最  
新的報紙

天津大公報。創始於前清光緒二十八年。乃  
華北年代最久之報紙。民國十五年由新記公  
司盤收。完全改組。續刊以來。銷數爲華北  
各報之冠。全國各大都會。均設專員。隨時  
拍電報告重要新聞。故消息翔實敏捷。社評  
一門。洞論時事。極爲一般社會所重視。每  
星期除原有附刊外。增出週刊七種。(文學。  
電影。戲劇。婦女與家庭。科學。市政。兒  
童。)故深得讀者之歡迎。報價每月一元。全  
年十元。外埠每月另加郵費三角。欲讀名實  
相副之報紙者。舍此其誰。

電報掛號

五 三 九 一

址

社

天津日租界旭街四號鐘面

電話

二 零 四 五 零



# 國聞週報

第六卷

第十七期目錄

大不列顛勞働界厄運之癥結……………歷樵譯

中國田產稅制問題……………周培智編

中國古代神話之研究……………馮承鈞纂

第三次全國代表大會軍事報告……………蔣中正

一週聞國內外大事述評……………記者

國內一週大事日記……………記者

采風錄……………國風社選

今傳是樓詩話……………逸塘


離婚後……………豈風

時人彙誌（鄒作華）

## 本報徵求照片

本報徵求各地街市，風景，時事，風俗，照片。每張酬金五角至三元。或同價值之本報。其名貴攝影。假印後奉還者。亦可辦到。來件掛號寄天津旭街二十七號國聞週報編輯部。是幸。





# 大不列顛勞働界厄運之癥結

英國 William Walker 著  
歷 樵 譯

觀察英美最近關係者。每見一方態度。恪恭逾恒。一方氣派。不可一世。推其關鍵所在。大半繫於工商業之榮瘁異致。有以使之然也。而工商業繁榮與否。又直接或間接的繫於勞資關係之是否圓滿。據最近倫敦消息。四月二十三日英國全國勞資機關會議開幕。力謀雙方關係之改善與合作。不可謂非常務之急也。此篇作者瓦格氏爲英國研究經濟問題專家。其在本文中針砭英國勞資困厄情形。頗中肯綮。特爲譯出如次。以諗關心於英倫勞働問題之諸君子。

大不列顛勞工不利情形最重要原因之一。爲限制生產。Domestic Production 顧西歐經濟情形之進步。則由於幣制較戰前穩定。以致生產增進。因此西歐國家如法德義等。均能在國際貿易上佔一位置。以前大不列顛之國際貿易。漸有被他人染指之勢。而且德法義日工業因生產劇增。更得乘機革新。並能和諧發展。勞工不利情形之另一原因。則爲大不列顛生產代價之增高。現在限制與生產代價增高二政策。雖小露端倪。未嘗確切進行。然而勞工工資因此已一削再削。爲種種複雜原因。發生貿易虧折。失業。罷工。封鎖。政府津貼。以及中央與地方增稅。大不列顛政府爲應付是等層出不窮之困難起見。屢擬設立保護稅則。以資調劑。惟懼各方反對。乃變其名目爲「保障」(safeguarding)而國會

反對黨則主張「全國化」(Nationalization) 爲恢復英國工業繁榮較有效力之方法。

大不列顛近年來因受國內外環境影響。以致失業工人人數恒達一百萬以上。自休戰後。除有一短時期之順境外。祇有一九二七年失業人數在一百萬下。是年工業界雇用人數。較任何時間爲多。亦未發生重大罷工或封鎖事件。某種工業如汽車與人造絲業。且能顯繁榮狀況。奢侈品貿易與零售亦收穫好果。但戰前大不列顛所賴以稱霸之基本工業。則少進展。煤。鐵。鋼。造船。及棉。毛。蘇織品各業均陷入停滯。無盈餘可言。即有亦甚菲薄。雇用工人無定期。前途亦少有生氣。農業雖不受國際競爭影響。然狀況亦不算佳。



自大戰後。大不列顛工業。迄今未能恢復。前途磨難重重。國際貿易上之地位。已非昔比。但大不列顛金錢價格雖有更改。基本實業。雖遇退化。然其富力。反較爲世界工業領袖時增加。其主要原因。係由於一般人民購買力之膨脹。自大戰以來。全國捐稅日增。捐稅於工商業雖有阻碍。但能促進購買能力。即如撫恤金。保險費以及其他社會改革。一年共佔美金十一萬二千萬元（合二萬二千四百萬鎊）。此項金錢當然能流通於市面。又內國公債利息每年佔美金三百七十六萬三千五百萬元（合七十五萬二千七百萬鎊）。爲此一項。全國每日約需納稅美金五百萬元（合一百萬鎊）。此款亦在流通。上項捐稅用於個人時。彼或將用爲投資之資本。按工商業爲捐稅重要來源。因捐稅繁重。故工業不能積蓄鉅資。擴充或革新其事業。

## 政府救濟工業

自休戰以來。大不列顛政府對於各種工業。普通均聽其自然。惟對於煤業。則另眼看待。與以巨額津貼。但津貼截止時。反至發生封鎖。結果釀成一九二六年五月大罷工之一幕。政府自受此度教訓後。不敢再直接干預工業者。凡二年。今又有一種新建議。擬免除製造家當地出產直接捐稅百分之七十五。並免除農夫地產房屋當地稅全部。政府所擬計畫中。並包括削減鐵道船塢與運河捐稅。惟有一條件。需彼等在收入上。能作同樣之削減。

上項新法令將於一九二九年秋間施行。當可協助不列顛生產工業。輕減其生產代價。令其在世界市場上。有競爭能力。政府每年直接救濟各業款項之支配如下。

工程業（海事工程在內）

一〇〇〇〇〇〇〇〇元（美金）

大鋼鐵業

（合洋二〇〇〇〇〇〇〇鎊）

二〇五〇〇〇〇〇〇元

（合五〇〇〇〇〇〇〇鎊）

造船業

約二〇〇〇〇〇〇〇元

（約合四〇〇〇〇〇〇〇鎊）

煤業

一二〇〇〇〇〇〇〇元

（合二〇五〇〇〇〇〇〇鎊）

棉毛織

一〇〇〇〇〇〇〇〇元以上

（合二〇〇〇〇〇〇〇〇鎊）

上項津貼大部分出自國稅。但其徵收之來源。範圍較廣。故上列工業可蒙其福利。

因普選日期漸近。政府保護工業稅則之政策。雖受數方面敦促。未能盡力進行。即所謂保障稅則者。亦未實施。往日保守黨促選區採納普通稅則之政策。從來未獲成效。大不列顛人民視改良稅則。等於行保護稅。故在新舊選舉制下。二次均遭否決。保守黨有鑒於此。乃採用「保障」名目。以免引起反感。但自上屆選舉以來。大工業並未用保障方法。已往不列顛貿易有國家國際與帝國的奇特性。故普通稅則政策易滋誤會。雖西歐工業有稅則限制以爲之保護。但英政府恐失去選舉優勢。從不敢注重於保護稅則之需要。以恢復國家基本工業昔日之偉大地位。但英國汽車業因受保護而興盛。並未增高車輛售價。實保護稅則之明效大驗也。



# 合理化

注意時在一九二七年。乃日內瓦經濟會議之結果。其

又在工廠內部採用較良的組織以獲得較大效率。

將增多失業外。大不列顛所以未採用國際的合理化

著有進步。但在主要或基本實業中。尙未有實質表現。

已有大規模組織趨勢。

何時方能奏效殊難確言。自一九一九年來。因勞資爭

有時具充分理由。但有時資方因貿易蕭條。不得不削

策太猛。祇知在工值方面苛求其唯一政策不外削減。

須對於資本方面有急進改革。雇主方面對資本求增

尙不願承認不削減即不得不膨脹二者中無廻旋之

正可藉財政之改革而恢復。較諸用減薪方法。更能收

不列顛工業之合理化。與大規模生產有關。不但於國

量生產

內爲然。即在國際方面。亦復如是。前者與資本家有關。

於大規模生產。大概抱懷疑態度。雖熟睹美國工業界

顛人保守之心理。以爲大規模生產將發生管理上之

雇主方面抱疑慮之心。不敢奮勇向前。從事標準化之

列顛雇主所抱態度。太爲張皇。彼等牢守成見。以爲國

不列顛之上等工廠。皆習爲之。應當負此項根本責任。

每人生產增加將發生失業問題。工人中所以抱此種

共損失三〇〇〇〇〇〇日在此項耗費

付美金一八五〇〇〇・〇〇元(合三七・〇〇)

將形減少。失業者亦將因此增多。同時工黨職員似亦



未明大不列顛興衰之命脈。繫於出品貿易之多寡焉。

### 工人前途命運

但吾人應憶及者。不列顛工人之生活。於此工作減少時。前途障礙甚多。彼等以爲雇主未曾與以公正待遇。既有不滿意之原因。故常玩忽工作。以爲報復手段。彼等心懷不甘之第一理由。即在工業興盛時。雇主對增添工資。甚爲吝惜。將大量餘利。分配罄盡。而無防範艱難時之準備。遇此種時間。資本實應有改革之必要。當工人享較高之工值時。雇主常以工

值過高而建議削減焉。

最後。即使勞資問題能完全和解。貿易進步能與一九二七年相似。然不列顛全部工人工作多少之問題。仍不能與戶口問題分開。除日本與比利時外。英國戶口稠度。爲世界各國冠。每方英里有三百九十一人。每年人數增加超過不列顛工商業之容納量。即令大不列顛工業。充分恢復繁榮後。此項事實將仍然存在也。

## 胡佛之集郵癖

友蘭

美國新任大總統胡佛氏。幼有郵癖。長而彌篤。當辦公之暇。輒以搜集爲務。每見所好。雖糜鉅金而不惜。故凡本國及世界各地所發行。氏幾無所不有。收藏之富。亦可概見。距今七年前。美國政府以所沒收郵票大王費辣烈之珍品。拍賣於芝加哥市場。中有基哀那(英國屬地名)一八六九年發行之一分票。全世界中僅存此一枚。可稱爲希有之寶。氏亦遣人往拍。不幸竟爲一猶太人購去。氏引此爲生平極大之憾事焉。當氏任商務部長時。曾兼任紐約郵票會副會長。頗著勞績。故此次胡佛就職時。親友及收藏專家。均以名貴郵票爲賀儀云。



# 中國田產稅制問題

(續五) 編智培周

國聞週報

自耕農之貧苦。民國六年調查，農民約計有四千九百餘萬戶，約二萬七千萬人，所耕地不及十畝者，約一千七百萬戶，居全數百分之二十六，不及三十畝者，約一千三百餘萬戶，居全數百分之二十八，合計之，爲一萬六千餘萬人，此項統計，已見前文，其每畝農產收穫量，民國三年，平均產米，三石六斗，麥九斗餘，依當時出口物價計算，米每石四元餘，田三十畝，所獲不能滿五百元，麥每石三元，所獲僅八十元，以此供五口之家生活費用，僅足生活，民國七年而後，以貧農資本缺乏，耕耘施肥之不足，與水旱災歉之頻仍，每畝平均收穫，米減至一石六斗，麥減至六斗，則田三十畝之所獲，不過三百餘元，北方農地之收穫量，常少，於南方，在南方每畝產麥一石，北方每畝平均不過四五斗，則有田三十畝者，每年至多不過有三百餘元，亦決無法可供五口之家生活費用，而有田不及十畝者，其貧乏更無待言，其田賦徵收，茲按清聖祖於一七一三年規定以後不改之額數平均計之，每六畝徵銀一兩之四分三，則三十畝即應稅五兩餘，按民國銀兩折元，爲每兩一元五角，則應納銀元約十元，以三百元之總收入，稅其十元，按其純收入而計稅額，其百分比，可謂極高。

佃農之貧苦。佃農之數，片山潛謂有二，三〇人，〇〇〇戶，*Home Rule* 謂有九，二四七，〇〇〇戶，其數目之大，亦可驚異，每年勞苦所得，納租於地主，平均約二分之一，即在南方每人之生活費低，每年約需四五十元，農民田地少，收穫有限，加以河道溝洫之不修，水旱之多故，兵匪之蹂躪，土豪之剝削，疾病死亡之擔負，雖節衣縮食，仍有不能支持之苦，而爲富不仁之徒，乘重利，貸款於此等農戶，層層剝削，更陷貧農生活於無可救藥之境，遂棄田而流落，爲兵爲匪，致使全國荒田，有數萬萬餘畝。

孫中山先生有見於此，故於其民生主義中，視貧農問題，尤爲切要，一方面主張國家預備土地資本，以拓殖土地，一方面思所以免除以土地爲投機事業之害，其言曰：「中國以農立國。全中國人口的大半。都以糧食的生產爲業。中國農民。狠能用精耕的方法。他能增其田畝的收穫。至最高度。可是有廣漠的土地。利于耕殖者。却因爲種種原因。未曾使用。有些田土。因爲水的缺乏。有些因爲水太多。其中更有一個原因。就是由于許多土地。給不利用他的人所有。正如狗之霸佔牀槽一樣。土地之可耕者。集中于投機事業者。和掠奪者的手上。極力求地租之高。連地價也抬高起來。農民應當由他的




國家立法保護。保證他們使得享受其勞動的結果。」於此足見農民問題，在全國國民經濟中，具有極重大之意義，一方面應免除佃農地租之增高，他方面應注重自耕小農之田地使勿消滅。

今參攷國內農界概況，欲杜絕土地。投機事業，之漸興，提高自耕農「佃農地位，於稅制立法上，施行一種制度，於最近期中，為臨時治標之計，即能見之實行，實行之前，不須破壞現在制度，實行之後，別無騷擾舉動，其惟倣行各國施行所得稅制，以徵收主利潤之一法乎。在此救急期中，欲平分土地，使用權，使耕者有其田之目的」達到，實非最短期中，所能畢現，乃求於不耕而有田之地主，增加其負擔，可就所得稅中土地所得者之稅，先行成立，此其利益，及其辦法，容詳論之。

論者難曰，所得稅之施行，莫早於英國，其制度之完備，亦莫善於英國，各國咸仿而行之宜矣，然英國所得稅之編制，舍公共事業及慈善事業外，其有納稅之能力者，無不有納稅之義務，而稅率之增減，悉視納稅能力之厚薄者為轉移，然以吾國人民生計之艱難，薪資收入之微薄，田產所入有限，且寡婦孤兒，不能獨立，多恃祖產為贍養之資者，比比多是，此等人民所入，雖非工作力得，然絕鮮納稅能力，今政府未先培養人民納稅之能力，而概苛徵以稅，揆之事理，寧得謂平，是大多數人民，不宜向其徵稅

，而土地所得之稅，有難於徵收之勢，此關於土地所得稅之施行，人民能否有負擔之能力問題也。吾國徵稅，百弊叢生，富者多倖免，而貧者多受剝削，是將不免徵貧免富，貧者益貧，富者益富，況中國今日大農制度，絕未發現，擁有多數之土地權者，非政客軍閥，即土豪劣紳，多有避免納稅者，其徵收結果所逮者，不過一般中下地主，此關於土地所得稅施行之弊端問題也。考所得稅之徵收，法人所納，較私人為多，不動產所納，較動產為要，資本所得，較土地所得為重，今謂先行徵收土地所得，而後徵一切所得，本末失次，尤為大病也，民國三年，即有施行此稅之議，當時決定以先徵法人所得，及商賈投資所得，而有緩徵田地池沼之議，誠以土地所得，既難徵稅於來源，*Taxation of Income at its Source* 人民易於隱匿，而調查所得，弊端易滋，尤難確實，故土地所得稅之能否先行舉辦。亦成為問題也。今為解釋以上之問題，避繁就簡計，先將土地所得稅，徵收之法則，條述於下，即可見以上三種問題，有所歸宿矣，考近日世界財政租稅制度，以協合租稅原則為主，曰能力公平，固定便利，經濟，諸原則，經濟學之開山大師，*Adam Smith*之言，前文已屢及之，其後更析之為九類，四種，乃總前人之大成，以適合現代之精神者，*Wagner* 所言是也，今表之如下。





稅則 (Adam Smith所定者)

稅制立法，為協合此項原則，故現代課稅，有顯明之三種趨勢。

(一)曰變間接稅為直接稅。間接稅為不能確定負擔力之偽似租稅，有乖行政上的原則，間接徵收物價消轉，(為轉售說之一種)有脅迫無產階級生活之行爲，雖納稅者，非負擔租稅之人，反抗力較少，不無特長，然各國戰後財政窮迫，濫增間接稅，亦達極點，勢非另求收入，於有真負擔力之有產階級，應行重稅，於是直接稅大行。

(二)曰變總收入之負擔。為純收入之徵收。租稅之源泉，本為個人之剩餘價值，前文已詳及之，個人因資產企業之運用，而有所得，必除去一切費用，始為剩餘所得，真正之租稅負擔力，即在此點，昔時課稅方法幼稚，無法確查其真正負擔力所在，惟依

國家之權力，用各種外標推定法，強制徵收，有失經濟的原則，例如人頭稅，財產稅，收益稅等，是也，近則計算各人純所得，以為課稅標準，由推定之實在，變粗疎為精密，而純收入之徵收法大定。

(三)曰變等級的稅法。為累進的課賦。等級稅法或為比例的 Rated or Apportioned，然皆失道德的原則，累進稅法，非根據於納稅者之能力強弱，即根據於勞資所入之形式，Eink 或 Eink 的，即依納稅者之邊際的效用，而增減稅率也，比例稅則，徵稅之率，全國一致。其差別為均一的。有失公平能力之原則，獨累進稅制，故主張此制者，理由充足，實行此法日衆，(一)能免去資產之集中於個人，深合於國家社會主義，(二)累進稅既隨



富力遞增，貧者有較輕之負擔，富者無重稅之苦，深合於奧國心理學之經濟家言，(三)資本既不能集中社會上，無生產過多之恐慌，並可分散資本，以發達其他實業，實足以擴張多數之生產力，而謀全民之福利，此近代各種稅法，多採連進制度徵收也。

現代課稅制度之趨勢顯明若此，今為適合此等趨勢起見，惟行所得稅，既係直接稅法，且徵自純收入，而使於連進的課賦也，如土地所得者，施行此稅，全視納稅人之能力而定，如遺產所入，或其人無負擔能力者，有免稅之例，有遞減之法，難者之第一問題，可無慮也，此稅之徵收，以課富豪大地主為最，如英國稅法，收入在二千鎊以上者，另徵特別所得稅，謂之 *Super-Tax* 用累進徵收，厚課有產者，而薄稅工作力者，為此稅之要義，且當國家多事時，亦如英國在戰時，又加徵 *Excess Profits Tax* 以專課富豪，今在中國施行此稅，於有多數地權者，即有營賄倖免之事，斷無寡產者而行多徵之理，且良善稅法，原俟良善政治，而後能行，政客軍閥，土豪劣紳，挾勢逃稅，為政治失軌之過渡現象，寧有常存之理，今租稅徵收，若能全行改為所得稅，則上文所述之徵收機關，即可易稱所得稅徵收機關，若一般所得，尚未施行，則先徵土地所得者，即可附屬於地稅機關，其辦法當不乏善良計畧，難者之第二問題，自有商榷地步，今各種所得稅法，皆未施行，而先行舉辦土地所得者，為救濟現在勞農界之要求，原非得已，當此中國工商業萌芽時期，絕無資本化之能力，須待國家加意調護，如現今之有志投機土地者，感受土地所得稅課之苦痛，貪心於其他各業所得之無稅，改投資本於工商諸業，亦為

獎勵國民生產方法之一端，土地稅法，人民匿報，調查失實，各國所得稅之施行，多不先免去此弊，總其原因，一歸於調查方法之不善，二在於稅率之過重，三歸罪於人民無納稅之責任心，補偏救弊，不能使一方面獨負責任也，論者猶有疑乎，請略言，各國關於農地之所得稅。

英國於(一八〇三)年，所得稅制，分為五表，*Schedule A, B, C, D* 其性質分為兩大類，(一)勞力所獲者。(二)不勞而得者。

*Earned and unearned or unfounded and founded or labour and Property* 其表格 A 項，地主收入 *Land Lord Tax* 屬之，每五年核實地租一次，B 項，耕農收入 *tenants Tax* 屬之，若估價或超過其實在收入時，農人得擇定照 A 項之編製，為營業之收入，其稅率每年收入，總額，在一六〇鎊下者免稅，力得者之收入，如農民收入在三千鎊下者，較置產者，一如田主，減徵，收入在三千鎊以上者，徵稅，即無力得與置產之分別，一九一〇年，於 *Schedule A* 外，行附加稅，*Super Tax* 前者以稅財產，後者亦行連進率以徵取收入之超過二千鎊者，其免稅，減稅，之率收入在六十鎊者以下者全免，其稅在五百鎊以下者，得免百五十鎊之徵稅，有子女者，又按數各免十鎊之稅，力得者，遞減其稅，置產者，遞增其稅，規畫詳盡，審查確實，無怪各國咸仿而行之，各稅皆有改併此稅之趨勢也，法國於(一九〇七)年，決行所得稅，仿英制，列為七表，其第二表，專課地主，稅其收入百分之四，第五表，專課農耕所入，說其百分之三，亦有附加稅，採連進制以專課富者之過限收入，美國以舊日所行之普通財產稅



，弊端孔多，至(一九一三年，始確定既進，所得稅亦分爲兩種，首者名主稅 Normal Tax 其性質同於英法之正稅，次者名附稅 Sur-tax or additional tax 其性質同於英法之 Super Tax 亦採運進制徵取，亦重有 Earn income or Unearned income 之區別，惟美國稅法，有中央與各州法律之不同，其情形最爲繁複，要之。美國往地稅，包括於產業稅中，今後又有併入於所得稅中之勢。意大利稅制，於四賦之外，又以所得稅制，課農業之所得，而類於附稅性質也。英，法，美，意，皆世界之先進國，其地稅趨勢狀況，有如上述，再總括之於下。

(一)各國本地稅，皆有行所得稅法之趨勢，尤以歐洲各邦爲甚。

(二)所得之稅率，或用比例法，Proportionate 運進法，Proportional 而廢去舊日之等級法，Graded

(三)土地實行清丈製定表格，而按定其純收入以估價。

英國五年估定，地價一次。

法國定三十年，估定地價一次。

往日奧匈國，定十五年，估定地價一次。

(四)地稅改爲所得稅後，皆按所得稅，分爲兩種，一種爲正稅，含有普遍的性質，二種爲附稅，含有特殊的性質，故多按運進徵收。

中國自清末以來，即有創行所得稅之議，訖至民國三年一月，始將所得稅條例公布，延至今日，擱置未行，去歲南方政府，又將所得稅條例，重行公布，兩次所公布者，大致相同，即與各國現行所得稅法，亦略相仿，其關於土地者，有下列諸條。

田地池沼所得，依前三年所得之平均額，估計之，田地池沼之所得，從緩課稅，田地池沼之所得，由估計方法，在田賦項下依率帶徵之，所得稅率，第一種用比例稅，第二種用累進稅。

#### 附錄

(1)所得稅條例，三年一月公布。

(2)國民政府公布之所得稅條例。

(3)十年一月公布所得稅條例施行細則，所得先後稅繳收數目，徵收規則，徵收考成條例，稅款儲撥章程。

總觀上文所述，則國中之以田爲業者，其產業稅制，在此治標臨時急行期內，其稅制實行辦法，應有如下列所述者。

(1)在此期中，因國中農產能力，尚未發展，爲顧全孤寡及株守祖產而不能自立之人太多起見，則耕者有其田之目的，殊難限期辦到。

(2)爲避免土地投機事業，提高佃產自耕農之生計起見，且當土地清丈法，未能施行以前，地稅仍按照前文所述辦法徵取，尙不能將地稅，全行改爲所得稅制，然在此期中，凡以田爲產者，即非自耕農之地主，而收入過豐者，應課其土地所得之稅此項徵稅，即類於各國所得稅中之附加稅，(Supplementary Tax or Income Tax)則附加稅制，仍可存在，地稅，(Land Tax)產稅，(Unearned Tax)此兩種稅制之外，凡前有之土地，一切稅名，悉行刪除，

(3)地稅因土地清冊，未能製定以前，不能按照所得稅情形辦理，暫行依照前文所述地稅法，即暫由舊年串票，平均估定稅價，作爲常年地稅，而產稅現行制度，應按照各國之所得稅中附加稅辦法，其性質正同。

(4)產稅分爲兩種性質，(一)自耕農，(二)地主，(前者即 Earned Tax 後者即 Unearned Tax)

(5)俟地稅改爲所得稅時，稅率宜用比例率，廢去等級法，而附



稅，(即產稅)悉採用累進稅，在地稅未改為所得稅之前，產稅之自耕者之稅，採用比例率，非自耕者，——地主——之稅率，採用累進制，實際上自耕產稅，等於虛設因中國現無大農，自耕者多係小產。

(6)產稅稅率，細則，當屆時詳為規定，其免稅辦法，應有如下

(a)自耕農，及地主，每年收入總額約為市斗百五十石者，或折洋計算在五百元以內者，地稅之外，免其產稅。

(b)每年收入總額，(以下簡稱收入二字)，由五百元至二千元者，自耕農得按照定率較地主三分之一，或用累進稅，在二千元以上，至五千元以下者，自耕農按照比例率徵稅，地主則用累進率徵收，其實徵數目，可屆時詳定，自五千元以上，至一萬元以下者，自耕農及地主，皆用極端之累進徵收，若一萬元以上之收入或依照各國之 *Income Duties* 辦法，以專課富豪之地主。

(c)納稅人為寡婦孤兒，未成年者，收入在千元下者，除五百元應在免稅之例外，再除去二百元之徵稅，只課其三百元之產稅，納稅人有子女未成年者，或按人各免其百元之稅

(7)在此稅施行時，應有兩項稅目之關於土地者：

a)承繼稅，遺產相續稅，贈產按一次徵收之性質，用累進法徵收，如承繼人，相續人，為非大農之自耕者，享免稅權

(b)土地註冊費，(售賣土地)須一律納費，(舊有土地，亦宜先行註冊，此制度，大有助於產稅之調查，)註冊後，即為清理土地所有權，是土地私有又可得一度法律之根據，

(8)如既設有地稅徵收機關，縣知事責任自輕，此後當負有土地產稅之調查責任，(或在一般所得稅施行後，或省政府另設所得稅調查機關，縣知事或可卸去此責任，)再就地租徵收

片上所載，各戶田產比較之估定其收入總額，地租徵收片所載產額，係由地主報告而得，(此係採英國人民報告方法)其估定田產收入，總額，可就三年內所收入之平均數計之，此項估價，需五年一改訂縣知事協同地方團體，負估定每年收入總額之價值，而省政府為核准監察調查之總機關，徵收地稅機關，不與聞估價之事，以祛弊端。

(9)產稅徵收暫由地稅徵收機關附徵。

(10)產稅所入，專供地方自治公益事項之用度，而地稅所用，或為地方行政之費用。

以上為討論田產稅制初期之實行辦法。不無缺點可言。

(1)以地稅而言，皆舊日串票改折畫一，其關於耕地之純收入，無法計算，而稅之也，以產稅而言，弊亦若是。

(2)產稅所出，以地主之地租為重，從消極方面，使往日投資土地私產遺傳後人之習慣，有遏抑之勢，而無集中土地於個人之患，然此等均貧之策，為能調劑社會也，於培成人民之負稅能力，實現「耕者有其田」之目的，諸極積方面，皆未易做到，是於因時救弊之計，猶有遺憾也。

然在此期中所規畫之田產稅制，固以「止弊」「急進」為方針者也，一切辦法，多採刪繁就簡，汰虛存實之計，俾不致坐耗日力，不易實現，且隨世界租稅趨勢，而轉移，俾後此清理稅制時，無紛更之紛擾，以期目前改進，略有成績，後此改進之辦法，庶得歸本清源也。

(未完)





# 中國古代神話之研究（七續）

馮承鈞編纂

## 五 山海經中外國地名

按山海經名。始見史記卷一百二十三。司馬遷云「故言九州山川。尚書近之矣。至禹本紀山海經所有怪物。余不敢言之矣。」而未言何人所作。後人以史記有禹本紀山海經之名。乃妄揣經爲禹撰。且杜撰「禹曰」之語。王充論衡卷十三別通篇云「禹益并治洪水。禹主治水。益主記異物。海外山表無遠不至。以所聞見。作山海經。」則充又以經爲益撰矣。二說皆非也。禹益之爲古神「人化」。前已述之。焉有撰述。即有人撰書于四千年以前。何以經中預知有長沙。象郡。匈奴。大夏。月支。天毒等地名。此與雜阿含經佛說西方有王名鉢羅婆（安息）。北方有王名耶婆那（希臘）。南方有王名釋迦（塞種月支）。東方有王名兜沙羅（吐火羅）。不成爲同一怪事乎。山海經殆史遷以前西漢時人所撰。而後人依託禹益耳。當時人必以列子第五湯問篇有「大禹行而見之。伯益知而名之。夷堅聞而志之」等語。衍繹而成。與晉人根據列子第三周穆王篇而造穆天子傳者。情形相類。即或禹益爲「人」。其人文化之淺可知。謂能執筆與簡。記其經行。驗之進化原則。決無斯理。朱熹楚辭辨證。謂其因天問而作。容或有之。蓋前引之文。與天問多相符也。予以此書之撰記。應在紀元前一二二年。張騫使大夏還之後。紀元前一〇四至九十四年間。司馬遷撰史記之前也。

山海經之內容。神話實事並收。蓋古人之信仰深。而知識淺。所參考之書。惟古史書楚辭子書數種。益以當時所聞。而成斯作。其神話的價值。已說明于前。但其間亦不乏實事也。爰將涉獵所得。除已見山海經廣註者不錄外。得若干條。錄次于左。

卷八「柔利國在一目東。爲人一手一足。反膝曲足居上。」按一足人故事。釋藏正法念處經卷六十七載之。據云「過摩醯陀羅 Malendra 山（錫蘭島中一山）見有一渚。縱廣一百由旬。有一足人 Ekapada 住在此渚。飲食根果。以自存生。壽命五十歲。樹葉爲衣。不爲屋宅。住在樹下。於此國中。多有師子猛惡之獸。其師子身皆有兩翼。」又據晚見大食人所撰之印度珍異志云「綠海有一島。那司那司 Nasina 所居。那司那司者。半身人也。一手一足。跳躍而行。其行甚疾。」山海經一手一足人。念處經及大食人撰述皆有之。謂其本于山海經歟。非然也。此處所引念處經之地誌。並非佛說。業經考訂爲印度史頌維摩衍那 Ramayana 之文。經後人錄入佛經者也。此史頌今本。輯于紀元初間。其古文編定時。要不逾紀元前三世紀。然則與山海經有何關係耶。考前漢書卷二十九地理志。南海有黃支國。自武帝以來。皆來獻見。漢譯史會至此國。按漢之黃支。即西域記卷十之建志補羅 Kancipura 今之 Conjevaram 則漢武時中印交通已開始矣。海航既通。海上必有一種流行民話。故山海經及印度



史頌皆採之于前。大食人又輯之于後。一手一足人固爲世所未有。然民話之流通。則可互相證明矣。

山海經卷八「聃耳之國。在無腸國東。使兩文虎爲人兩手聃其耳。」郭注云「言耳長行則以手攝持之也。」正法念處經云「見有一山名曰生金……其山復有耳衣之人。」耳衣諸本誤作「取衣」。茲依西藏文譯本校正。耳衣人梵文作「Narmadharmanina」。是亦印度傳說之一種。紀元前三世紀希臘人已知印度有臥身耳中之人。名曰「Enochim」。紀元前五世紀且誌有「印度山中有一民族。數約三萬。其耳甚巨。下長至肘。後覆全背。胸前兩耳可以相接。」又可證此種故事流行之遠。

山海經卷九「有君子之國。其人衣冠帶劍。」此國業經荷蘭史耐格（Selleg）教授考定爲古之新羅。今朝鮮東南（可參考拙譯中國史乘中未詳諸國考證）。

山海經卷九「玄股之國。在黑齒北。其爲人衣魚食鱸。」亦經史耐格考定即黑龍江一帶之魚皮達子。（參考中國史乘中未詳諸國考證）。

此外山海經卷十五之小人國。應爲日本海沿岸各島。黑龍江沿岸一帶。堪察加半島一帶之土人。卷十四之大人國。即爲昔日隱岐島之蝦夷。又白民國亦爲蝦夷。已詳中國史乘中未詳諸國考證譯本。茲不贅述。

山海經卷十六「西海之南。流沙之濱。赤水之後。黑水之前。有大山名曰崑崙之丘……其外有炎火之山。投物輒然。」郭注云「今去扶南東萬里。有耆薄國。東復五千里許。有火山國。其山雖霖雨火常然。」此山爲馬來羣島之一火山。說見拙譯崑崙考。又可證明撰山海經者並未昧于海外之事也。郭注之耆婆國。應爲今之爪哇。爪哇在史籍及遊記中有葉調耶婆提。訶陵。閩婆。諸名。今知晉時復有耆薄之對音。亦史地中意外之

發見也。

當時外國地名見于山海經者。有卷六之交趾。（即交脛國）卷七卷十之肅慎。卷十之匈奴。卷十一之扶餘。（即新羅）卷十二卷十八之朝鮮。卷十二之倭國。卷十三之大夏。月支。卷十八之丁零。（即釘靈）印度。（即天毒）郭注云「晉大興四年。天竺胡王獻珍寶。」此事晉書本紀及四夷傳皆不載。可證史載「魏晉世絕不復通」之失考。且佛法大盛于東夏。即始于是時。東來譯經。西行求法者。相屬于道。尤以東晉爲盛。如佛圖澄。鳩摩羅什。菩提達磨。法顯。寶雲。智猛等。皆著名當時。有功東西文化之交換。而史書視若無睹。亦可怪也。

右所考者寥寥數條。山海經之價值可知。清以前書錄。並以此書爲地理之冠。洵不誣也。乃四庫總目退置于小說之列。適足見其淺見寡聞矣。草此文畢。復于釋藏中發見關於羅摩衍那史頌三事。馬鳴大莊嚴經論卷五聚落主聞婆羅門說「羅摩延書」。此史頌之名初見于釋藏者也。雜寶藏經第一緣十奢五緣。即屬羅摩之事。唯略其神話而已。六度集經卷五忍辱度中其五事王妃被略。緣即此事之神話。唯以邪龍易羅刹婆那而已。

（完）





# 第三次全國代表大會軍事報告（二續）

蔣中正

## 第五章 國民聯軍及北方軍之奮鬪

### 第一節 國民聯軍督師五原

民國十五年四月間。我國國民軍在南口與敵作戰。閱時四月。因糧彈兩缺。遂沿京綏路撤退。平地泉包頭火車失事。損失不少。新附五六萬人。完全散走於察綏一帶。韓復榘石友三所部約五師之衆。留於綏包。掩護撤退。防敵追擊。

九月十五日。我國國民軍馮總司令由俄歸抵五原。于右任孫禹行徐永昌方振武鹿鍾麟宋哲元石敬亭趙守鈺諸將領公舉爲國民聯軍總司令。九月十七日在五原宣誓就職。其兵力及位置如右。

隊	號	駐在	地
韓復榘軍	歸化附近		
陳希聖軍	武川附近		
石友三軍	包頭		
張萬慶騎兵軍	固陽附近		
趙守鈺騎兵軍	大余太附近		
方振武師	五原		

合計各部除原駐甘肅者外。數不滿十萬。械彈缺乏。給養困難。兼以漠北苦寒。冬衣無着。將士凍餓。殊堪憫惻。馮總司令慘淡經營。歷月始安。是時甘肅未靜。西安被圍。北伐大軍。方與敵戰於鄂贛。馮總司令乃以全力入陝。出潼關。與北伐大軍會師中原。

### 第二節 國民聯軍規復陝西

當國民軍在南口劇戰時。吳逆佩孚嗾使張兆錚孔繁錦各率部萬餘。進犯皋蘭。劉總司令郁芬當令孫師長良誠督率梁冠英旅馳防蘭州城東。嚮水子。張維璽旅佔領城南冠山一帶。安樹德旅佔領城西溝窪山等。取攻勢防禦。七月上旬。敵軍來犯。被我軍沉着擊破。分向平涼天水潰退。我軍當別派隊追擊。八月下旬。先後佔領天水平涼。甘亂戡定。即進兵援陝。當決定以孫良誠爲援陝總指揮。方振武爲援陝副總指揮。由第一路方振武部。第三路孫良誠部。第四路馬鴻逵部。第五路石友三部。第六路韓



復渠部。第七路陳希聖部。及劉汝明孫連仲韓占元韓德元各師騎兵鄭大章張萬慶等旅。銜尾向長安進發。孫良誠率前方各軍。即由邠州大道向西安攻擊前進。另以天水張維爾師進攻隴縣汧陽。以掩護大軍之右翼。

十月初。方振武部出五原。孫連仲師出寧夏。馬鴻逵部出固始。綏包方面敵軍見我勢力復興。遂派大軍西襲。我軍急令鄭金聲爲東路總指揮。督率石友三部陳希聖部。第二路及騎兵遊擊師騎兵第一第四各師。第五師之第二旅各部。在包五一帶。步步防禦。漸次西撤。馮總司令則督飭韓德元師。馮治安師。韓占元師。趙守鈺騎兵師之一旅。移駐寧夏。

十一月二十八日。馮總司令在磴口接孫總指揮報告。我軍於二十三日進至與平禮泉之線。圍攻咸陽。敵聞風撤退。遂於是日佔領咸陽。馮總司令隨令各軍進取長安。以方總指揮部及陝軍一部爲左路。向涇陽進攻。長安北附近之敵。馬司令鴻逵所部爲右路。向鄠縣進攻。長安城南附近之敵。孫總指揮良誠率本部爲中路。由咸陽進攻長安。部署甫定。敵人集中兵力。向中路來衝。賴各將領沉着。敵未得逞。劉汝明師趕到。即由左翼十里鋪攻擊敵背。孫連仲師由右翼向藍田臨潼繞攻。十一月二十八日拂曉。開始總攻擊。激戰一晝夜。劉汝明部已繞三十里鋪。敵以後路被抄。全線搖動。於是分向潼關同州武關一帶潰退。遂於二十七日午前十二時解西安之圍。劉汝明之師乘勝追至同州。即將敵麻振武部圍困城內。右路方面。馬鴻逵部亦抵藍田一帶。孫師長連仲進達商雒。孫總指揮良誠乃率部進駐渭南。是役斃敵無算。奪獲大砲鎗彈甚多。

令自兼。集中河南潼關閿鄉一帶。沿隴海路直向陝洛進展。並令孫師長連仲率所部及馮治安第四師韓德元第五師第十六路張耀樞師爲右路軍。進出荆紫關。向老河口南陽一帶進展。徐總司令永昌率所部及左路軍假道山西。直趨石家莊。岳維峻爲南路總司令。督率原國民軍第二軍留陝各部。由墊屋鄠縣富平柞水一帶。集中商雒。宋哲元爲北路軍總司令。集中所部於寧夏。擬東進綏遠商部。進出察熱。其軍隊之編組爲：(甲)中央軍總司令馮玉祥兼第一路全部第三路全部第四路全部第六路全部第十師騎兵第一旅騎兵第二旅砲兵旅屬之。(乙)南路軍總指揮岳維峻第八路全部第十二路之一部第一師康保傑旅何全昇旅張德樞旅丑彥俊旅胡景銓旅屬之。(丙)右路軍總指揮孫連仲第十四路全部第五師第十六路之一部屬之。(丁)左路軍總指揮徐永昌第十五路全部第九路全部屬之。(戊)北路軍總指揮宋哲元第七路全部暫編第一二師第二十二騎兵第五師屬之。左路軍因須進出晉境。行軍不便。南路軍則該軍各部隊懷土戀鄉。未能依時動作。故直接作戰者。惟中央及右路兩路而已。時馮總司令被任爲國民革命軍第二集團軍總司令。遂於十六年五月一日。在西安新城宣誓就職。六月馮總司令移駐潼關。督師東下。

### 第三節 國民聯軍克復河南

#### 一 洛陽之役

馮總司令率中央軍於五月五日。由洞南閿鄉向東進展。迭克靈陝盧氏洛寧澠池等縣。敵退守鐵門新安一帶。並在鐵門附近構築堅固陣地。二十一日。我軍進至澠池東二十里鎮。即以第一路全部攻敵正面。以第三路一部攻敵右翼。以一部繞攻敵之左側背。騎兵第二師向磁關方面活



動。截擊敵之後路。二十二日拂曉攻擊。激戰數小時。敵大部退入新安城內。一部沿鐵道東進。遂佔領鐵門高地。即將新安城包圍。猛烈攻擊。敵勢不支。於時開城投誠。繳獲械彈輜重無數。沿鐵路退却之敵。被我磁澗部隊截擊。四散逃竄。馮總司令聞新安捷訊。即令火速尾追。使敵無喘息整頓之暇。二十三日方總指揮進攻磁澗時。敵軍五旅之衆。合張治公部約四萬餘人。佔領娘娘廟楊塚溝之線。重疊設三道陣地。二十四日進擊。以敵軍砲火劇烈。急切未下。二十五日孫總指揮分兵兩路。以石友三率第一路第三師第一路王和民旅第五路之一部爲右翼。方總指揮率第一路第一二師爲左翼。二十六日拂曉攻擊。我軍仰攻。凡四小時。始將敵之第一道防線擊破。復經激戰十時。佔領敵之第二陣地。敵驚惶潰退。適我第一師由廠屯鎮繞洛北印山擊敵右側背。第二師於午後繞襲後路。鄭大章騎兵抄襲洛陽之東。偃帥一帶。敵勢不支。分途逃竄。我軍跟踪追擊。占領洛陽。俘敵四千餘人。彈藥頗多。輜重物品約數十火車。

## 二 鄭州之役

克復洛陽後。即計畫進取鄭州。以第三路由黑石關鞏縣沿隴海路向鄭州。第一路由登封向禹州分進。協同北伐軍以收攻擊之效。第四路擔任洛陽一帶警戒。第五路由洛陽經孟津偃師向鄭州方面進展。騎兵集團由鞏縣向湯陰洛陽方面活動。斷絕敵人後方交通。部署既定。我軍於二十七日開始攻擊。進佔孟津。二十八日過偃師。二十九日敵在黑石關頑強抵抗。意欲拆卸並破壞鞏縣兵工廠機器。即向該處猛攻。激戰終日。敵向孝義方面逃竄。第三第五兩路會合向敵跟踪追擊。至三十日佔領孝義。同日騎兵集團已進出鞏縣。以東向汜水鄭州方面追擊。我第一路由登封小道。亦抄到密縣。敵受夾擊。紛紛潰退。我騎兵乘機截擊。奪獲

敵之鎗砲甚多。遂於是日午後佔領鄭州。

## 三 襄宛之役

十六年五月初。馮總司令出潼關之時。正湘鄂各軍與敵軍鏖戰於許偃之間。吳逆佩孚率其殘部。竄走洛陽。會合于學忠部。號召襄樊駐軍。及徐壽椿馬文德各部。佔據襄宛。擬分由鍾沙隨棗兩路襲擊武漢。

我右路軍出荆紫關克淅川。復遣支隊於十七日佔領內鄉。時于張所部兩倍於我。孫總指揮恐敵進犯武漢。乃先攻鄧縣。以相牽制。敵果全部來援。未遑東下。於是我北伐軍得一心一意。在偃許之間。與強敵激戰。而無後顧之憂。迨偃許既克。黃河南岸業告肅清。乃於六月四日令孫總指揮連仲所部進攻鄧縣。岳總指揮維峻所部由內鄉向南陽前進。方總指揮所部由襄城向南陽前進。六月二十五日佔領南陽。吳逆率其殘部向鄧縣逃竄。餘悉繳械。吳逆抵鄧後。惟于學忠傾心附之。閻得勝部即向孫總指揮輸誠。秦建斌部及于學忠所部。均向張聯陞輸誠。毛思義部亦徘徊觀望。不肯聽命。孫總指揮探知情形。大舉進攻。吳逆率其殘部向鄂境潰竄。意在渡漢入川。時張聯陞已歸編。乃飭所部分途截擊。七月二日。吳逆抄由小路竄至樊城竹篠地方。覓渡河船。經張部葛旅跟踪追至。三面圍攻。吳逆率其妻子及衛士三百人。覓得划船。倉猝渡河。狼狽逃去。餘衆悉被俘虜。吳逆竄後。于學忠亦微服逃走。所部均由孫總指揮改編。六月二十九日。我軍遂佔領鄧縣。

## 四 克復開封

吳逆既遁。各部就編。即調張聯陞部到洛陽訓練。孫總指揮率閻秦毛各部開至確山訓練。襄樊一帶。由方總指揮前往接防。襄宛遂定。

鄭州克復。即派騎兵第一旅向榮澤方面追擊。第三旅向開封追擊。五月



三十日。第五路全部抵鄭州。同日騎兵旅追達黃河南岸警戒。第三旅長張華堂跟追敵人。達開封附近。敵人潰退。即佔領開封。當師次鄭州時。馮總司令將所部遵令改稱為第二集團軍。將該部區分為八個方面軍。第一方面軍總指揮為孫良誠。第二方面軍總指揮為靳雲鶚。第三方面軍總指揮為方振武。第四方面軍為宋哲元。第五方面軍總指揮為岳維峻。第六方面軍總指揮為石敬亭。第七方面軍總指揮為劉郁芬。第八方面軍總指揮為劉鎮華。是時我北伐軍已由津浦路進克徐州。六月十九日馮總司令應中正約至徐州與中正暨李白兩總指揮以及中央委員胡漢民吳敬恒李石曾李協和張人傑等商議清黨及貫徹北伐大計。

#### 第四節 國民聯軍肅清後方

##### 一 克復同州

自西安圍解。我軍進駐潼關。麻逆振武即固守同州。我軍初以方振武軍圍之。繼以韓復榘軍監視之。七月間。遂令張維璽為攻同州總司令。劉汝明為副司令。率部積極進攻同州。該匪率眾頑抗。憑藉堅城。力攻殊難。遂掘坑道進攻。二十五日。城北所掘之坑道竣工。裝置齊備。即於二十六日施行總攻擊。遂令趙鳳林王丙甲兩旅攻城東北面。梅岩峻旅攻西關。第二軍攻南城。是日拂曉開始攻擊。匪眾憑城力抗。激戰至下午四時。北城坑道電發。轟毀城牆。趙王兩旅長親冒彈雨。搶入北門。梅旅攻破西關。念石村魏園一帶之敵。劉軍佔領南門。麻逆振武帶傷逃走。死於中途。餘眾均被俘虜。

##### 二 討靳之役

靳雲鶚屢次抗命。不聽調遣。又復勾結敵匪。陰圖煽亂。為消滅隱患計。於十六年九月五日。即將兵力集結。秘密佈置。九月七日開始攻擊。孫總指

揮部由北向南進攻。十一日佔領鄆城。克復漯河。靳部向上蔡項城方面潰竄。孫連仲部由南向北進攻。十二日佔領西平。時新收之閻得勝軍。內部有楊毛馬三師叛變。從信陽進犯確山駐馬店。幸漯河已解決。孫總指揮旋師迎擊。該叛兵即星夜東竄。韓復榘部八日佔領登封。克復復沙進圍禹城。二十四日靳逆到艾亭收容殘兵。希圖再舉。石友三率部追至靳逆親自督戰。不支遁去。二十日復渠克復禹城。靳逆黨羽李振亞殘部逃竄。分途截擊。獲鎗砲子彈輜重車馬甚多。心腹之患已除。第二集團軍從此無內顧之憂矣。

##### 三 勦滅黃韓

吳逆黨羽張兆鉅。自經在蘭州擊潰後。其殘部韓有祿黃得貴約三千餘人。散布平涼涇川等處。擾害地方。乃令韓復榘部勦辦。該部始率眾遠關。及韓部東開。復集騷擾。遂決計大勦。於十六年七月中旬。任命宋哲元勦辦。移駐固原分頭兜剿。九月底黃韓竄入陝西。勾結田玉潔。憑據三原涇陽兩城。乃命第八師及第七師圍攻涇陽。第三師及張萬慶騎兵師攻三原。城堅池深。急切難下。宋總指揮增益兵力。十月二十四日。向該匪中央防線進擊。敵勢不支。向三原石橋鎮一帶潰竄。田逆率五百餘人。困守徐家堡。已被我軍包圍。二十七日。我軍攻克徐家堡。田逆逃遁。二十九日猛攻涇陽。張九才請降。韓逆有祿受傷而死。黃逆得貴隻身遠遁。匪亂遂平。

##### 第五節 北方軍平綏路上諸戰役

北方軍人因敵人由平綏路來攻。所經戰役頗多。而以下花園之戰役尤為劇烈。十六年九月下旬。北方軍總司令閻錫山。先令右路軍總指揮商震。將左路各軍。於六月十九日以前佈置完畢。以第一軍在大同。第九軍在平地泉以東。第七軍在天鎮陽高附近。商總指揮復將所部加以區分。



計爲挺騎兵隊。前敵軍左翼隊。獨立騎兵隊。騎兵別動隊。總預備隊等。前敵軍張指揮蔭梧。以豐鎮當我軍左側。扼鐵路交通。於六月二十八日。乘夜急襲。時左翼隊與敵劇戰於卓寶山。經我夾擊。敵始東退。是爲豐鎮戰役。前敵軍之第五師在永嘉堡集結時。柴溝堡敵騎時來擾亂。我軍遂在閻家瓦溝台之線。有工事防禦。迨豐鎮之部隊來到後。始開始進攻。十月一日。稍有進步。十月三日。柴溝堡之敵。經我擊敗。向張家口退却。是爲柴溝堡戰役。前敵軍第十五師自天鎮出發。十月二日。遇敵佔領懷安城西端。被我擊退。向宣化奔竄。是爲懷安戰役。十月五日。商總指揮於佔領張家口後。復令第十五師跟敵追擊。第五師繼之。預備隊經下花園懷來向南口進攻。另以左翼隊經懷來延慶攻南口之東側。騎兵第三師經此路至懷來後。改向東進。以掩護我左側。六日。第十五師與敵遇於宣化城東。七日拂曉。十五師向敵正面攻擊。第五師攻敵右側。與敵劇戰。敵援隊大至。向我猛襲三次。正面動搖。賴第五師之一部來援。敵始退回原陣地。是役我十五師傷亡達三分之一。其戰鬪之烈可知。相持至十三日。以我全軍變更作戰計畫。左路軍亦從別方面轉進。平綏路上第一次之戰役。亦至下花園後而止矣。

#### 第六節 北方軍平漢路上諸戰役

北方軍在平漢路上者爲右路軍。其主力沿鐵路西側。以楊愛源之第二軍。徐永昌之第三軍並列。協同北展。一部沿鐵路東側。以掩護主力右翼之安全。由李維新之騎兵第十軍任之。以傅存懷之第四軍爲總預備隊。十六年九月二十九日。二三兩軍由獲鹿石家莊平山井陘一帶出發。獨立騎兵及第四軍亦於是日到石莊。九月三十日上午。第二軍佔領滹沱河北韓家樓曲陽平邱之線。下午破壞正定北辛安站附近之鐵路。十

月一日將正定敵人擊破而佔領正定城。是爲正定戰役。敵敗退後。各軍追擊前進。敵復於新樂城之北養馬之線構築堅固陣地。北方軍閻總司令第十軍軍長率騎兵第四師及十八旅與砲兵一連。限十月四日由石莊到無極。牽制安國之敵。但第二軍右翼安全。令第四軍軍長率第七師及砲兵一團。會同豐玉璽之第六軍。截斷新樂敵後方之京漢路。以攻敵人。限十月四日到曲陽。十月四日。二三兩軍進逼沙河兩岸敵陣地。五日開始攻擊。當日午後六時。將敵全陣線突破而佔領之。乘勝尾追。遂克定縣城。第十軍之騎兵旅復占安國城。第六軍亦將曲陽之敵驅逐。同第四軍向方順橋進攻。是爲新樂戰役。新樂克復。即進攻保定。敵在望都城附近設防頑抗。並調大部兵力增援。閻總司令錫山乃令第十軍速向板橋鎮進出保定東北。令四六兩軍向保定前進。第三及第二軍爲支援隊。第二軍以一師赴望都。主力在定縣。十月六日。第三軍之別動隊赴安國方面活動。其餘沿京漢線向東北攻擊前進。六日下午。遇敵於清風店東北。擊退之。敵復以大部反攻。第二軍遂以一部來援。至七日。敵復潛退至望都一帶。是日第十師之騎兵克楊城村。四六兩軍追敵至唐縣。十月八日。望都附近之我軍繼續猛攻。四六兩軍方面以敵衆我寡。無進展。與右翼三軍包圍。經第八軍奮勇戰鬪。始擊退之。十月九日晨。我四六兩軍右翼至白岳附近。始得與第三軍聯絡。而第三軍正面自八日夜起。數被敵猛烈之攻擊。損失較重。定縣方面。我第十師於九日進至該縣城西南之二十里舖。與大部敵人遇。形勢吃緊。以衛隊旅增援之。十月十日。望都敵人反攻甚烈。第十師退至王家營。敵侵入清風店。定縣與望都方面敵人均愈迫愈緊。閻總司令錫山以不願作無益之犧牲。遂令各軍分別轉進山地。以



待後圖。此爲望都定縣間之戰役。而平漢方面戰鬪亦暫告停止矣。

### 第七節 傅作義苦守涿州

初北方軍閥總司令錫山之作戰計畫。以京漢京綏兩鐵路牽引敵之首尾。以特派隊出門頭溝涿州。擾亂敵之中部。乃以第四師師長傅作義負特隊之任務。十六年九月十九日受命出發。十月四日到蔚縣。十日夜先遣隊達張坊鎮。探無敵踪。遂向涿州猛進。時敵有兩營在車站。一營在城內。我先遣隊即進入城內。一面攻擊城內之敵。一面分攻車站之敵。城內敵人退踞門內民房。安設機關槍於天主堂房頂。竭力抵抗。與我軍對峙。車站之敵雖被擊潰一營。我軍進攻之兵力無多。故仍退回。十二日我城內部隊分三路直衝南門。敵始退去。我軍乃將永樂橋破壞而完全占領涿州。十四日傅師長作義進駐城內。以白旅長爲衛戍司令。袁團長爲城防司令。時敵人以重砲頻自車站向我射擊。飛機亦自空中放擲炸彈。自後每日如此。又敵因我城外工事未就。以三師兵力乘隙猛攻。均經我軍擊退。十五六等日敵大舉來攻。四面被圍。我軍以久疲之衆。當新銳之敵。不能在城外與敵作戰。乃固守城中。構築工事。作久守計。十七日敵乃進逼城廂。並集大軍猛攻。自此以後。三十餘日幾無時不在劇戰中。巨砲飛機之外。咸用坑道爆破。或以鐵甲車唐克車等強烈衝鋒。或用勇隊爬城。或以燃燒彈焚毀房屋。或以毒瓦斯砲擊。舉凡攻城戰應有之方法。利器殆無不使用。盡均經我守兵堅強抵禦。未令奏效。但經此戰鬪之後。城垣民舍到處頽敗。軍民傷亡。觸目皆是。敵亦知急攻無益。乃用久圍之計。以困我軍。時氣候已寒。官兵在冰雪之中。困苦特甚。而糧食亦僅餘三日。傅師長一面將糧盡彈缺官兵已損失三分之二之情形。電報閻總司令。並以敵人傷亡亦衆。似有退意。請我軍反攻。一面對於防守之法加意

研究。至十二月八日。閻總司令傳電嘉慰。官兵均進一級。並償洋十萬元。以資鼓勵。官兵益加奮勇。莫不感激涕零矣。惟城內食糧已罄。傅師長乃與紳商研究。以酒糟繼之。十二月十四日城內婦孺數百哀訴酒糟難食。請結戰局。傅師長曉諭安慰之。二十五日得我黨軍克復徐州之耗。我北方軍亦將會合西北軍三路出擊。以攻京津。傅師長乃擬突圍而出。但我士兵苦戰三月。食糟多日。頭脚已腫。傷病纍纍。而敵仍堅壁重。萬難再事衝突。不得已徇敵人之請求。念軍民之慘苦。於十七年二月四日與敵商和平對等之條約。而罷戰。計自入涿州至此。將近五月。敵卒不能破我。若非官兵之忠勇。傅師長防守之巧妙。曷克臻此。

### 第八節 北方軍扼守井陘雁門

北方軍原分兩路。沿京漢京綏向東北進展。以敵太強。未能達最後之目的。右路軍自望都定縣間戰役之後。即退入山地。十六年十月十日。令第十師及第十七師在正定附近掩護退却。第六軍第八兩軍退曲陽關。以保龍泉關陽門戶。第四軍守行唐。第二三兩軍退平山獲鹿之線。第十軍集靈壽待命。敵以久戰疲憊。亦未敢追。十五日閻總司令錫山規定防守計畫。以獲鹿爲第一線。由前敵總指揮孫楚及第八第十二兩師砲兵第六第八兩團擔任之。井陘西方一帶高地爲第二線。左翼爲出擊地區。由第三軍擔任之。除由楊愛源軍長及第二第十二兩師佈置陣地。石家莊以第八師之一營及鐵甲車擔任警戒。俟必要時撤回第十軍駐平山附近。後因靈壽一帶已有敵人。爲防其繞攻娘子關之後。由楊軍長以一部守塔崖十八盤車輪等處。此爲右路扼守井陘以北之情形。左路因右路變更計畫。亦即後退。十月十五日各軍陸續退至永嘉堡。西扣兒嶺大高崖西洋河一帶。暫行防禦。其第四第九第十四各師由張前



敵指揮率騎兵第二師及獨立騎兵第二旅馳赴陽源收容之。是爲左路第一次扼守陣線之情形。迄後柴溝堡附近發生劇烈戰事。聞陽原附近之西河營亦有大隊敵騎兵截斷我第四師之歸路。於是我收容隊及第八軍與敵一再交綏。第四師遂陷入涿州內。第九第十四兩師幸已退回。但敵人亦被創東去。不敢追擊。乃戰事甫經得手。而台懷以東忽報敵人已占龍王莊。敵騎一部到神堂堡。又報敵將以大部由紫荆關斷我軍歸路。於是山西東北門戶在在可危之勢。閻總司令錫山乃變更計畫。縮短戰線。以張蔭梧部退繁峙。柴溝堡之部隊退雁門。以東楊師長士元部守廣武。豐玉璽部守龍泉關。是爲左路第二次扼守雁門以南之情形。

## 第六章 北伐完成

### 第一節 北伐開始前內部之統一

寧漢合作以後。武漢在皖所駐之兵未撤退。第三十六軍及賀對廷師逼近蘇境。其主力駐於蕪湖。一部在黃池鎮烏溪鎮二十里鋪等處。構築工事。第三十五軍及第三十軍等部隊。分駐安慶合肥巢縣和縣各處。而第八軍又集中漢口岳州兩處。更在湘鄂兩省新編軍隊。計有三軍之衆。政府爲統一內部。繼續北伐起見。首應鞏固長江上游。遂組織西征軍。共分三路。第三路軍總指揮李宗仁。第七軍第十九軍第三十七軍（本屬二路）屬之。第四路軍總指揮程潛。第六軍第十三軍第四十四軍屬之。第五路軍總指揮朱培德。第三軍第九軍屬之。長江第二艦隊司令陳紹寬。第二艦隊楚有楚同永績永健江貞等各艦屬之。十六年十月十九日。佔領蕪湖。二十五日攻下安慶。十一月七日攻克武穴。各軍跟蹤追擊。武漢軍數經潰散。已不能成軍。復恐後路截斷。遂放棄武漢。退守長岳。唐生智於十一月十一日搭日輪去國。西征軍遂於十一月十五日完全克復武

漢。即命三十七軍速回皖北。參加北伐。同時命各軍停止軍事行動。各就現住地址。擬對湘中爲和平之解決。以期迅速回師北伐。乃因種種關係。卒未如願。於是白總指揮崇禧率第七軍第十九軍由通城等處進攻平江。程總指揮率第六軍第十三軍第四十四軍沿長岳鐵路前進。進攻岳州。陳司令紹寬率第二艦隊各軍艦由嘉魚金口新隄向城陵磯進迫。協同陸軍會攻岳州。朱總指揮培德以其所屬集中萍鄉一帶。預定向株州前進。十七年一月十八日。全線開始總攻。岳州平江相繼佔領。二月二十五日進克長沙。而海軍亦同時攻下蘆林潭。進克湘陰。長沙既克。湘中各部紛向湘西湖南潰退。二月二十三日通電服從中央。願受改編。三湘悉平。十六年清黨之後。共產黨在兩湖失敗。思轉求根據於廣東。由海道與海參崴連絡。藉得第三國際之接濟。乃乘蔣總司令下野之時。假道江西。而有南昌之變。葉挺賀龍兩部。號稱二萬餘衆。直趨閩粵邊境。廣州政治分會主席李濟深。奉中央命組織第八路軍防堵殲滅之。總指揮爲李濟深。而以黃紹雄代中央軍以第七軍第四軍第六兩師組織成之。總指揮爲黃紹雄。而以黃旭初代。右翼軍以新編第一師第二師及第十八師之兩團並新編第四師組成之。總指揮爲錢大鈞。右翼軍以第十六軍兩師組成之。總指揮爲范石生。預備軍以第四軍第十一師並十三師之兩團組成之。嗣以共黨大部已侵入瑞金會昌。同時潮梅各屬土匪蠢起。佔據縣城。爲敵聲援。乃又組織東路軍。由第一第二兩縱隊編成之。總指揮爲李濟深。而以陳濟棠代。第一縱隊以第十一師第十三師兩團並補充團編成之。第二縱隊以新編第二師編成之。預料敵人急欲出海。待俄接濟。并聯絡東江土匪將由汀杭出松梅。犯東江。佔潮汕爲根據。我軍乃集中松梅間。俟敵深入。一舉而殲滅之。敵以松梅間兵力雄厚。難以侵入。乘虛



出大埔三河壩。沿韓江而下潮汕。水陸並進。佔潮汕後。先頭由揭陽向普寧。棉潮方面迅速。一部進佔潮安。圖窺東江。我方乘其急遽間。極力截擊。則以中央軍向佔據潮安之敵進攻。東路軍向侵入揭陽之敵進攻。右翼軍向佔據三河壩之敵進攻。均佔勝利。跟蹤追擊。敵人損失其鉅。殘部由賀逆率領。向陸豐逃竄。我東路軍在後跟蹤。到達陸豐附近。將敵包圍。完全解決。尚有賀部師長賀錦齋殘部。向海豐逃竄。一小部向大安及揭石逃竄。均經我軍跟蹤追剿。至是而侵入潮汕。圍擾粵局之葉賀共黨。遂告肅清。時為十月中旬。當葉賀由鄂入贛時。張發奎黃琪翔同行。中經南昌之變。張黃追擊葉賀。至撫州分途。葉賀趨潮汕。張黃轉趨韶關。而入廣州。粵方同志歡迎之。迨李總指揮濟深於十一月十五日出發。參加第四次中央全體會議。張黃調集所部。移駐西江。駐省軍隊。極為單薄。僅留第四軍教導團及第五軍與警察保安隊等。維持廣州治安。共黨乘機煽惑各工會。并誘集當地附近農民。於十二月十一日夜起事。發表蘇維埃政府宣言。焚太平沙一帶及中央銀行總行。以攻第四軍部。焚南關高第街仰忠街一帶。以攻第十二師部。一時廣州繁盛之區。均變為瓦礫之場。而第四軍部及第十二師部。卒未能攻入。張黃部隊聞報。急由三水回部。戡亂。新編第二師。先至廣州。而駐在河南岸之第五軍。亦於同時渡河分途截擊。共黨斃者頗衆。餘部分向花縣清遠方面遠竄。廣州秩序遂得恢復。張黃以事前疏於防範。引咎離職。所部隊伍交由繆師長培南統率。全部離廣州。向東江進發。旋經中央令調參加北伐。

## 第二節 準備大舉北伐

自四中全會開後。北伐大計亟待完成。中央命中正繼續行使總司令職權。乃於十七年一月四日抵京。重組總司令部於三元巷。準備大舉北伐。

一月八日國府特任中正為北伐全軍總司令。重新組織北伐軍。二月十九日。特任馮玉祥為第二集團軍總司令。閻錫山為第三集團軍總司令。中正兼第一集團軍總司令。以原第一路軍編成。調任第一路軍總指揮。何應欽為國民革命軍總司令部參謀長。主持後方。至肅清魯南後。政府又特任李宗仁為第四集團軍總司令。即以第三路各軍及湘鄂軍隊屬之。又屬第一集團軍編成四個縱隊。二月十六日中正行赴開封。晤馮總司令及閻之代表。商北伐大計。均主早日大舉。尤以第三集團軍主張急切。於是約以三月下旬開始進擊。中正自汴回京後。製定作戰方略。於三月十六日。將北伐全軍總方略。電令一二三集團軍遵行。北伐於以開始。茲錄電令於左。

### 北伐全軍作戰計畫

#### 甲 前期作戰任務及部署

一、作戰第一步。第一集團軍左翼部隊。及黃河右岸第二集團軍第一方面軍諸部隊。首先攻陷濟寧。同時第一集團軍之右翼及中央部隊。占領日照臨沂兗州之線。同時第二集團軍河北諸部隊。及第三集團軍均向當面之敵施行佯攻。並嚴防敵之反攻。

一、作戰第二步。以協攻濟寧諸部隊之大部。迅速北渡黃河。向大名以北地區協攻京漢路方面之敵。同時第二集團軍主力。全力猛攻河北之敵。進取石家莊。斯時第三集團軍。傾其全力。協攻石家莊之敵。第一集團軍之主力。肅清膠濟路以南地區之敵。進佔濟南。

#### 乙 後期作戰任務及部署

一、第一集團軍沿津浦路兩側地區急進。第二集團軍沿京漢路及其東南地區急進。第三集團軍進出京西一帶及京綏路。會師京津。同時各



以主力部隊向榆關承德多倫猛烈追擊。

### 第三節 第一集團軍諸戰役及濟南慘案

我第一集團軍克復徐州後。分駐於臨海路線。與魯南敵人對峙。十七年三月。北伐準備完成。將第一集團四個縱隊。改稱四個軍團。任命劉峙陳調元賀耀祖方振武爲一二三四軍團總指揮。三月下旬。第一集團軍各軍團及第二集團軍孫良誠部在徐海碭山臨海路以北地區集中完畢。各軍之位置如下。第二軍團陳調元部在海州新安鎮運河北站一帶。第一軍團劉峙所部在徐州東方八義集大許家賈汪利國驛及徐州一帶。第三軍團賀耀祖部在豐沛一帶。第四軍團方振武部在單縣城武一帶。第二集團軍第一方面軍孫良誠部在巢縣荷澤一帶。

四月一日。中正抵徐州。通令第二第三集團。期以四月七日開始攻擊運動。三日召集第一集團各軍參謀長到徐面授作戰命令。指示方略。四月七日。各軍團遵令運動開始。第四軍於運河西北渡河。協同九軍進攻台兒莊。十日第九軍第十四師佔領台兒莊。十一日孫良誠部克鄆城。十二日劉峙部克韓莊。第四軍克棗莊。惟濰縣不下。命第十軍楊勝治部圍攻之。十三日第一軍克臨城。我第三師二團團長潘國勳陣亡。十五日第三軍圍攻艾亭魚台失利。我四十軍之龔師長憲陣亡。豐縣被孫傳芳佔領。我夏斗寅部堅守沛縣待援。十六日我第二集團石友三部。由蘭封東進增援。第三軍團克復豐縣。同時孫良誠部乘虛進搗濟寧城。十七日第九軍第四軍克滕縣界河。十八日石友三部克魚台。席液池騎兵抄克汶上。孫傳芳回竄濟寧。與我孫良誠部方振武部鏖戰甚烈。十九日顧祝同部克鄆縣。廿日顧祝同部克曲阜。繆培南部克兗州。席液池騎兵克寧陽。方振武克金城。二十一日我諸軍會克濟寧。俘獲甚衆。二十二日我軍肅清汶河以南之敵。敵退泰安濟南。四月二十七日。第一軍佔領泰安城。五月一日晨。第一集團軍之第九第二十六第三十七各軍佔領濟南。中正亦於是日午後進駐濟南。而不幸之濟南慘案。竟於此時發生。先是當我軍攻克泰安。日本即藉護僑爲名。出兵佔據膠濟路。以及濟南商埠。迫我軍下濟南。後於五月三日上午十時許。因有一兵卒由日軍自行畫定之防區附近經過。日軍即開槍將該兵擊斃。旋派大隊至交涉公署強攔入內。將戰地政務委員會交涉員蔡公時等十餘人槍殺。事後又向外交部長辦公處行兇。黃部長聞耗避去。後竟以機關槍向我國民軍射擊。一面並派大部軍隊至我國軍駐紮地點勒令繳械。當晚我國高級軍事長官與日本高級軍事長官會商救濟辦法。正磋商間。日軍又向我軍用大砲轟擊。並將我無線電炸毀。一面並調駐青島之日軍第六師團部隊兩列車。由福田率領增防濟南。補足實力。屠殺我軍民。我四十軍陶師之第七團全部被繳械。傷亡甚衆。並俘虜我徒手軍民千餘名。拘禁於正金銀行樓上。不准坐臥及絕飲食。又佔據電報局郵政局。斷絕交通。及利用直魯殘敵之便衣隊。從中擾亂。意圖破壞我後方。四日在普利門外我國之商店多被日軍搶掠。五日福田向我提出無理條件之哀的美敦書。意欲脅我方自認爲慘案禍首。並藉此爲其再次屠殺之導火線。其條件。一、懲辦最高軍事長官。二、濟南城二十里以內不准我駐兵。三、辛莊大營房許其駐兵。四、賠償損失。五、中國軍隊見日本軍時須解除武裝。以上各項統限十二小時完滿答復。否則自由行動。不負其咎。右五項於七日下午四時遞至暫代濟南交涉員趙世瑄處。中正已離濟南赴黨家莊。濟南交通斷絕。傳達困難。我方接到此項哀的美敦書後。曾由戰委會蔣作賓派員要求日方延長答復時期。交涉卒無效果。迫中正得悉此事。即



派熊式輝羅家倫馳往日司令部談判。抵目的地已在八日上午了。福田竟不待答復。於八日清晨下令實行轟擊濟南城。日軍並破壞我黃河鐵橋新城兵工廠。炸毀火藥庫。強佔辛莊營房。掠奪我軍糧食輜重。八日佔領白馬山。向黨家莊前進。襲擊我第三軍。該軍奉命不准迎擊。損傷甚大。日軍騎兵又轟擊濰口齊河長清一帶。妨礙我軍渡河。並截毀電柱若干。濟南城我軍留守兵力僅一團。日軍日夜用砲轟擊及投擲炸彈。城內房屋燒燬。死傷枕藉。日軍節節進逼。並派隊佔據馬鞍山。其一部進佔東西十六里河。向我第一軍團部隊射擊。濟南至黨家莊之鐵橋亦被破壞。留守濟南城我軍之一團奉命於十日衝出重圍。日軍遂入城。大加屠殺。我後方病院有傷殘兵七百餘人。全數殺死。此外商人居民死傷不計其數。據最近濟南省黨部報告。死傷約計一萬一千〇六十二名。此外物質金錢上之損失。尙不能統計。我軍因日軍之阻礙。不能即行追擊。復退出濟南。致使殘敵全退守德州。五月九日。中正命劉峙親率第一軍第九軍及第二十三軍編成五個支隊。控制於泰安萊蕪肥城一帶。鞏固後方。命陳調元賀耀組方振武孫良誠諸部迅速渡河。向德州方面繼續前進。各軍在日軍砲火下。強行渡河。於十二日全數渡完。中正即赴京漢線指導主力軍第二三四集團軍作戰。津浦路方面第一集團軍即由前敵總指揮朱培德主持。

各軍渡河後。進展甚速。孫良誠部騎兵十二日佔領高唐恩縣。轉向平原德州挺進。方振武十五日佔領禹城。十六日佔領平原。十七日我第三軍團軍各部先後佔領德州。殘敵退守滄州鹽山杜生鎮河間一帶。十九日前敵總指揮朱培德到德州。召集各總指揮面授會攻滄州計畫。六月二日第二軍團遂佔滄州。敵潰不成軍。向馬廠方面奔逃。五日我軍復佔領

馬廠。殘敵無幾。退京津後。經我二三集團軍消滅之。

#### 第四節 第二集團軍諸戰役

北伐開始前。第二集團與敵人對峙之形勢。魯西方面。孫良誠席液池呂秀文各軍與敵相峙於荷澤定陶曹縣單縣之綫。大名方面。鹿鍾麟劉鎮華各軍與敵相峙於南樂觀城濮縣之綫。彰德方面。孫連仲韓占元各軍與敵相峙於漳河以北臨漳一帶。北伐開始後。擬定之作戰計畫。及軍隊編組如下。

一、軍隊編組 A 東路軍對魯西作戰。總指揮馮總司令兼參謀長曹浩森。第一方面軍孫良誠。第一軍孫良誠。第四軍馬鴻逵。第五軍石友三。第二十一軍呂秀文。騎兵第二軍席液池。B 北路軍對河北作戰。總指揮鹿鍾麟。副總指揮劉鎮華。參謀長劉驥。兼第二方面軍孫連仲。第三方面軍韓復榘。第八方面軍劉鎮華。第九方面軍鹿鍾麟。兼第一軍韓占元。第二軍劉汝明。第十三軍張維璽。第三十軍劉驥。騎兵第一軍鄭大章。

一、作戰計畫概要。本軍遵照國民革命軍作戰總方略計畫如左。

(一) 作戰第一步。以孫總指揮良誠督率第三軍第四軍第五軍第二十軍。騎兵第二軍。諸部攻取濟寧。並迅速繞抄兗州。使津浦路上大軍進展容易。

河北方面。由鹿總指揮鍾麟督率第二方面軍。第三方面軍。第八方面軍。第九方面軍。第一軍。第二軍。第十三軍。第三十軍。騎兵第一軍。在彰德內黃清豐觀城濮縣之綫。構築陣地。攻勢防禦。以騎兵軍由臨漳繞抄京漢路方面之敵。以步兵之一部由楚望繞抄大名方面之敵。

(二) 作戰第二步。以孫總指揮良誠督率魯西作戰部隊。向黃河以東。津浦路以西之地區開展。協助各友軍攻占濟南。

劉總指揮鎮華督率第八方面軍及第一軍第十三軍。迅速向德州繞抄。



津浦路之敵。鹿總指揮鍾麟。督率京漢路作戰各軍。沿京漢路進展。迅速佔領石家莊。

(二)作戰第三步。以孫總指揮良誠督率魯西作戰部隊。協助第一集團軍進攻天津。騎兵向小站進展。截斷京奉路線。

鹿總指揮鍾麟督率河北作戰部隊。沿京漢路及其以東地區進展。協助第三集團軍進攻北京。騎兵軍向廊坊進展。遮斷京津路線。

第二集團軍除孫良誠等部。參加津浦路作戰。已詳於第一集團內不叙外。茲述關於豫境及平漢路線者。四月六日。以山西方面勢甚危急。遂令豫北各軍。向磁州大名之敵進攻。以分敵勢。期解山西之圍。五日敵由彰德方面先行對我軍進攻。來勢頗猛。我軍以整備未完。前哨部隊。略有損失。兩軍相持。激戰甚烈。自九日起。漢縣觀城南樂內黃皆起劇烈戰事。劉驥各部。陸續均調至豫北。我軍陣線原在安陽城垣以北二十里韓陵山柳園洪河屯之線。作一外弧形。經連日戰鬪。兩翼後引。成一以彰德城垣為頂點之銳角形。戰至四月十七日。自拂曉激戰至夜。韓復榘軍師長三員旅長二員均受重傷。敵軍復於大名樂昌兩方面增兵來攻。遂陷觀城。我軍以敵勢甚銳。乃守定計畫。先以深溝高壘固守。一面集結精銳。於相當地點相機反攻。時劉鎮華韓占元復放棄南樂漢縣。在內黃清豐以北及濮縣以西地帶。選用村堡構築陣地。與敵苦戰。張維壘軍開至道口策應各方。

彰德方面。改取守勢。敵軍連日猛攻。我軍所守村堡房屋。均為敵砲所擊平。而我軍工事甚堅。官兵沉着發鎗。雖敵人一日猛撲數十次。終為我軍擊退。至二十八日。敵氣稍衰。我軍乃於彰德方面全線反攻。相繼恢復。三日克順德。五日克大名。各路均向敵跟踪猛進。

樊鍾秀當第二集團軍在彰德戰事激烈。各軍調離洛陽時。來襲洛城。四月二十二日。隴海鐵路及洛陽鄭州間電線。均為毀斷。二十八日進至龍門。兵力約二萬餘。卒被擊退。五月一日。克復偃師。此後樊殘部逐漸潰敗。遁入魯山襄城方城一帶。時大軍正在北進。陝西李虎臣乘東出剿樊。西安空虛之際。亦來攻西安。後亦被擊潰而消滅之。五月六日。馮總司令於黨家莊與中正商繼續北進。後即返至鄭州。十日轉赴新鄉。中正移駐徐州。旋至京。第一集團軍作戰事。囑歸馮總司令指揮。時京漢線上韓總指揮復榘率第六軍第十八軍第廿三軍。騎兵第一軍。猛追敵軍。於五月十一日到達石家莊。因鐵路電線均為敵人破壞。未及報告。山東既起事變。又因敵在京漢方面潰走者。未蒙甚大損失。慮敵乘機反攻。乃令韓復榘軍到石家莊。不得前進。及電令已發。韓復榘已過望都。接令請示進止。當復令其在原地停止。韓總指揮以通信不便。恐誤軍令。未及待接二次電令。即引兵至石家莊。其時津浦線上部隊。渡河尚未完竣。而河間高陽均駐有敵之重兵。京漢線上。未可急進。而進則陷於孤立。將為敵各個擊破。為戰略所忌。時第一集團軍相持於保定新樂間。即令鐵甲車兩列。在正面助戰。以鄭大章騎兵軍向安國蠡縣出動。以鞏固其右翼。並令韓復榘軍負策應之責。迄津浦我軍大部。已經渡河。因地狹人衆。糧食極缺。後方輸送。皆改由道口。從衛河水路輸送至臨清分發。一時未能連到。前敵官兵。極為困難。進戰則生。退守則死。乃命積極進攻。迄席液池。騎兵軍於五月十三日占領德州。後即定部署如次。

陳總指揮調元所部。由吳橋南皮滄縣之線。以東地區前進。線上屬之方總指揮振武所部。由吳橋南皮滄縣線以西景縣交河杜生堡之綫。以東地區前進。



孫總指揮良誠由景縣交河杜生堡之線以西地區前進綫上歸該軍擔任。

方總指揮鼎英所部由鐵路隨第四軍團後方跟進。此余最可顧慮者沿津浦京漢兩鐵路進展之部隊已逼近滄州保定而兩鐵路中間四五里間我軍尚未進展敵於河間高陽均配置重兵。饒陽武強各處之殘敵尚未掃清。京漢路以東饒陽以西地區尚無隊擔任。故決定俟第四集團軍先遣軍到達定縣新樂石家莊各地即以鹿總指揮鍾麟之北路軍全部移至京漢線以東地區與孫良誠方面軍銜接然後全線同時進攻。遂於十五日電令津浦線各軍團以一部在前方監視主力均在後方集結待機進攻。

中正於十九日抵鄭州決定部署如次。

京漢津浦各軍於本月二十五以前務須在慶雲南皮交河武強晉縣正定之線將主力集結準備進攻津浦各軍作戰部署如前。

京漢綫上第三集團軍應維持現狀。

白總指揮率第四集團軍作戰部隊即到正定附近集結。

韓總指揮復渠所率各部隊即在晉縣附近集結至二十五日即下令前進規定攻擊部署如次。

津浦路第一集團軍各軍團及第二集團軍第一方面軍由衡水饒陽南寧雄縣之線迤東地區向滄州河間之線攻擊前進限於本月二十八日以前攻擊開始關於作戰部署統由朱總指揮培德主持辦理京漢綫上之第二集團軍北路軍全部（劉指揮鎮華部在內）由衡水饒陽南寧雄縣之線以西地區驅逐博野蠡縣肅寧之敵向高陽方面攻擊前進限於二十八日前進至肅寧蠡縣望都之綫左翼力求與京漢路第三集團軍

實聯絡關於作戰部署由鹿總司令鍾麟主持辦理衡水饒陽肅寧雄縣綫上屬第二集團軍北路軍。

各軍正進展間中正於二十九日至柳衛為軍事進展避免外交上糾紛起見遂發命令其要旨如次。

前方各軍破敵之後即進至靜海勝芳永清固安長辛店之綫停止待命。北路軍於二十九日擊破小旺董莊之敵攻克蠡縣三十日占領雄縣。三十一日攻克高陽。第三集團軍同日克保定。孫良誠於六月一日克河間。津浦綫上敵軍於二十九日反攻與陳總指揮調元劇戰擊破之。二日我軍攻下滄州。韓復渠軍於六日下午占領南苑。遵照命令不令一兵入北京城。

天津縣敵負隅我軍皆紮在三十里外監視一面以武力壓迫一面勸諭受編者遵令退出頑抗不服者均遁踞京津迤東一帶大軍遂定京津。

#### 第五節 第三集團軍諸戰役

當我北方軍右路自望都定縣間轉進而後即陣於昔陽井陘塔崖之綫左路亦由他方面轉進陣於馬家莊龍泉關平型關雁門偏關之綫依山作戰待機反攻自十六年十月下旬起至十七年四月敵軍屢次來犯攻擊頗猛其間雖略有進退然我北方軍卒以強大之勢力與決心維持原有陣綫。

十七年三月閣總司令奉命為第三集團軍總司令同時中正發佈北伐總方略閣總司令當即積極準備出師並改訂第三集團軍戰圖序列如次。國民革命第三集團軍總司令閻錫山參謀長朱綬光左路軍總指揮商震副指揮傅存懷前敵指揮張蔭梧第一軍商震第四軍傅存懷部第五軍聯合軍張蔭梧部及第十五軍王英部屬之右路軍總指揮徐永昌副



指揮楊愛源。前敵指揮孫楚。中央第十一路總指揮徐永昌部。第二三聯合軍楊愛源部及第十軍李維新部屬之。又置總預備軍。以第六軍豐玉璽部。第八軍譚慶林部。第八第十一第十六第十七各師。及各特種兵團組成之。

初中正於北伐總方略中。規定上期。第一步。第三集團軍向敵進攻。第二步。與第二集團軍合攻石家莊。後期。出京西一帶及京綏路。于四月下旬。彰德失守。中正遂令變更作戰計畫。集結兵力。反攻正太路。策應第二集團軍。閻總司令乃決定先攻平山。預計第一期消滅溫塘集洪子店之敵。佔領之。第二期佔領獲鹿東天門。包抄右路當面之敵而殲滅之。第三期佔領石家莊。斷敵後路。並援助我左路軍之出擊。閻總司令並親出陽泉督師進攻。迨平山克復。即出京漢。會師平津。歷經各役。分誌如左。

#### 甲、石家莊之佔領

當我三集團軍決定進平山前。尚有一事足述者。即左翼軍之兩次出擊。第一次。為西北地區李指揮培基攻朔縣之役。當李指揮克偏關利民後。接馮總司令河南來電。謂敵集中兵力。與西北軍交綏。晉北難免空虛。望即乘機反攻。閻總司令即令李總指揮進攻朔縣。十七年二月廿七開始動作。當將沿途敵部驅逐。直薄朔縣城下。詎意敵據城死守。憑高瞰射。我軍屢攻不下。乃退原防。第二次。左翼地區楊師長士元。於五月上旬。率部乘夜進攻當面之敵。大獲勝利。方擬盡力發展。詎敵增兵側面。頑強抵抗。我軍乃復撤回。以上兩役。雖未奏功。然實全軍出擊之動機也。及決定進攻後。遂將兵力分為三路。以第八師關福安部為第一路。由滹沱河兩岸地區直搗洪子店。以第二師趙承綬部為第二路。由六嶺關管道。及洪子店以北地區向洪子店進擊。第三軍徐永昌以兩團為第三

路。由甘泉關向溫塘出擊。十二軍於一二兩路出洪子店以南地區牽制敵人。十六師為預備隊。五月三日開始攻擊。平山方面。連占黑山關。木家莊。觀音堂。曹莊。欒家莊。盧家口等處。四日占滹沱河。小覺鎮。南盤石。北賈會。黑水坪等處。五日占公樂村。東盤石。十里亭。貓石村。石板山。史家山等處。六日占領常山村。洪子店。郭蘇鎮。西溝。西諸山。頭六三九高地。板山等處。七日占領溫塘。八日各部圍攻平山。激戰半日。敵向東潰退。下午五時。占領該縣。平山既克。隨令第八師追敵。九日占領靈壽行店。第二第十六兩師攻石家莊。第三軍騎兵亦抵正定。其第一路抵靈壽。砲兵團駐平山。至井陘方面。五月三日。各部分頭出擊。四日占領石門東之高地及賈莊。橫澗。東西王舍。青石嶺。羅峪。脊。吳家橋。暖泉溝。色錦溝等地。五六七日等與敵激戰甚烈。敵勢不支。始漸撤退。我軍亦即壓迫前進。八日占領南井溝。周家坑。鳳山。獲鹿。測魚。楊莊。耿莊。南障城等地。九日奮勇前進。遂占領石家莊。至是右路敵人悉被摧殘。我第三集團軍遂進據平漢鐵路。

#### 乙、平漢路上之追擊

我軍占領平漢路後。敵退守望都。高陽。河間之線。閻總司令乃調令各部準備追擊前進。第八第十聯合軍集結藁城。十三日進占安國。楊各莊。狼尾莊等地。十五日推至段家莊。溫仁。北馬莊一帶。與敵對峙。十六師由石莊向劉家村歪頭之線推進。十三日向大羊青莊。幸街之線前進。十四日向十五計大辛莊之線前進。十日抵歡同東正村。十一日抵定州。白壁。高唐。十一日抵望都。東西堡。白龐村。蘇泉。南北高門。燕趙鎮。十三日抵三堤韓莊。寺莊。西連向莊。即將該軍各部分行配備於各該地。第六師（附四十六團）九日抵石莊後。以威脅龍泉關敵人之目的。令其於十日進占曲陽。十一日向唐縣完縣至保定滿城之線追擊前進。即日佔唐縣。十



三日向方順橋前進。十四日佔領北城村右之線。十五日向大王莊子。城村屯頭之敵攻擊。第六師於十二日由石莊至王家營集結。十五日佔領孔氏村及南北高嶺之村。即在各該地及七賢村陽城村方面嚴密警戒。並建築工事。此右路軍沿京漢線追敵之情形也。至龍泉關出擊之部隊。由豐軍長指揮。分兩路向敵追擊前進。九日佔領阜平。栗園舖不老樹。十日佔領王快。十一日進抵曲陽唐縣。十二日敵在完縣至望都之線佔領陣地。我軍當即前進驅逐。十三日佔領北莊壩子口。並克復完縣。此龍泉關出擊軍隊向京漢路追敵之情形也。

#### 丙、方順橋之激戰

五月十五日以前。我第三集團軍追擊部隊。先後到達方順橋附近。右翼並與友軍連接。十七日。因友軍背進。敵遂將我左右包圍。並向滿城經康關之線出擊。我軍勢甚危急。第三軍第二路及陶團。原由左翼繞攻敵側背。抵康關後。先後被敵壓迫。廿七日。退至黃龍庵東安之綫。康關被敵佔領。適我一三兩師進至唐縣。乃令馳往增援。並疾調七軍出滿城攻敵側背。康關前線敵人。大為驚潰。二十八日。馬村之敵向城猛撲。經我軍擊退。志不得逞。城南幸莊順民村一帶。有敵一師。與我軍接觸。張指揮蔭梧乃令第十五師由武山繞擊敵背。第九師擊一畝泉敵之兩翼。二十九日。激戰未決。三十日。敵反攻。將一畝泉包圍。戰爭尤烈。至午後三時。李生達師長親率執法隊側擊東南。敵始後退。三十一日。第十五師連同第三師。向城南之大同店追擊。左翼之敵完全潰退。至右翼清風店定州一帶。敵調大軍前來壓迫。正面戰線。尤為薄弱。將士焦急。閻總司令乃急令趙承綬部孟興富部由定州擊敵側背。次日。我第二第十七兩師協同向敵猛攻。進展至大興莊齊堡之線。敵紛紛向高就方面退却。於是右翼之敵。完

全潰退。同時正面亦將敵擊潰。敵乃施行退却。我軍遂佔領方順橋。

#### 丁 占領保定天津北平

自方順橋激戰之後。敵膽已寒。加以我一軍迂迴康關。第七軍襲擊滿城。敵之後側。着着失利。而保定西北之一畝泉要隘。又為我軍占領。故敵雖賴在一畝泉大固附近。增加主力軍。然已無心作戰。三十日。敵軍動搖。三十一日。午前。我左路軍遂克保定。殘敵千人。不及退走。遂即收編。餘敵則退據琉璃河天津馬廠之線。

敵軍退據天津馬廠等地後。一面欲集中主力。以圖頑抗。一面則欲利用平津一帶在國際上特殊情形。俾得負隅。形勢岌岌。羣情惶懼。幸閻總司令善能措置。未雨綢繆。事前即派代表南桂馨等。分赴平津接洽。奉軍以勢甚孤。無可挽救。全線退却。天津北平。我軍遂和平接收。

#### 第六節 第四集團軍諸戰役

十七年四月下旬。湘中軍事收平。西征任務告一段落。中央乃命第四集團軍。自平漢路北進。參加北伐。初集中兵力於新鄭鄆城。以備在隴海路上東西策應。迨五月下旬。我第三集團軍攻克保定。我第四集團軍即向北平前進。時張褚殘部。盤據津東。中正與馮閻兩總司令。在平協商。決令白崇禧組織各集團混成軍。名為右路軍。擔任榆關以西之責。該部先集結三河通縣間。以待一二三集團軍各部集中。此八月七旬事也。

右路軍之戰鬪序列。以徐永昌部為右翼軍。沿平奉鐵路進發。李品仙統右翼軍。由平榆大道前進。范熙績統中央軍。在左翼後跟進。協力猛攻。迭克豐潤蘆台開平唐山諸地。張褚殘部。望風潰竄。厥後負固灤州。猶冀頑固。適關外諸將張學良等。通電謀和。夾擊張褚。我右翼軍騎兵旅先於九月十二日佔領灤州。張褚僅以身免。乞降繳械者甚衆。俘虜無算。直魯殘



軍至此完全解決。祇以東省既表示和平。遂成隔河對峙。各不相侵之局。冀東軍事遂告一段落矣。

### 第七節 東三省之統一

十七年五月下旬。第三集團軍攻克保定。第二集團軍攻克河間。第一集團軍攻克滄州以後。平津形勢一變。奉軍將領外審天津列國駐兵。濟南慘案。內審冀北輿情及張褚孫部之不振。容納各方勸告。自動撤兵。我一二三四各集團軍。鑒於奉軍撤兵之誠意。勸兵平津以南。俟奉軍撤盡。始和平接收平津。當時兩方將領。顧慮國難。和平合作。東三省之統一遂成。張作霖自動撤兵之計既決。偕吳俊陞等出關。於六月四日在皇姑屯站。猝遇猛烈爆炸。均罹慘死。張吳既倒。張學良聞報出關。召集將領會議。續密佈防。三省治安益臻鞏固。而皇姑屯之狙擊。關外軍民莫不切齒。於是向順國府之心愈堅。奉軍將領既與革命軍將領默契。實行撤兵。東三省亦即準備易幟。服從國府。中國之統一。將近完成矣。

初自六月以迄今。中央與遼寧之間。信使往還。協謀所以收編張褚殘部之策。顧張宗昌野心難馴。不肯服從。於是有灤州附近協力解決張褚殘部之事。九月二十三日灤河以東。完全底定。

十七年十二月二十九日。張學良張作相萬福麟等。實行易幟。通電服從國民政府。中央以張學良等有保全疆土之功。先任張學良為國府委員。繼任張學良為東北邊防司令長官。並任張作相萬福麟為東北邊防副司令。成立三省省政府。我中國統一之功。於是告成。

北方艦隊。本分為二部。一名渤海艦隊。屬張宗昌。一名東北艦隊。屬張作霖。十六年七月。渤海艦隊司令吳志馨。密謀加入革命軍。事泄。被害於張宗昌。其嗣後渤海艦隊遂入東北艦隊。以沈鴻烈為司令。迄最近編遣會議議決。全國海軍重行編組後。海軍之統一亦告完成。（未完）

## 認 識 週 報

第一卷第九期要目

- 胡佛就職與美國外交……………曾炳鈞
- 釋賦比興……………張壽林
- 詩……………李惟建
- 羅素懷疑論叢……………傅作敢
- 色斯東智力之性質述評……………牟乃祚
- 定價 國內全年大洋一元八角，半年九角五分，國外全年大洋二元七角，半年一元四角，郵費在內。郵票代洋作九五扣。另售大洋四分。
- 通訊 北平西郊清華園郵局轉認識週報編輯部。
- 本刊文責概由作者自負，版權概由作者保留，歡迎投稿，歡迎直接訂閱。



# 瀛寰瑣誌

(辟邪)

美國芝加哥，近有商業展覽會之設，會中最有價值者，厥惟機械辦事組；有機械打字員，此機能照錄原件。自一份以至若干份，無不隨人意旨而定。有機械算器，能解決普通算術。尤足令人驚嘆者。爲解決代數幾何三角等算術之器械，此種神怪之發明，真欲令人咋舌矣。

一九〇八年美國有外科醫生陶朋氏，負盛名，嘗自割其肉，以補其子之創而愈；當時頗引起醫學界之注意。此後，移接之術。迭有發明。最近，紐約眼耳醫院又有療治盲目之神怪醫術；先是，有一目眇者，代以玻璃眼球，忽它目亦疾，不能視，其人偃居盲人院中，延眼耳醫生爲之療治，時醫院中有病人眼球生厚膜者，一目將廢，醫生乃以敏捷之手術，割去其膜，加於盲者之目，蓋此膜在病人爲贅疣，在盲者實大有用也。數日後，去紉帶，則盲者之視線，竟可及十尺，而被割者病亦失。

在歐戰以前，各國所用之樟腦大半取給於台灣及日本。台灣所產尤富，然林木蕭森，土人更強悍嗜殺；故往其地者，須有軍隊之保護，否則鮮有生還之望。樟腦樹絕似桂，樹大而葉密。高皆五六十尺。伐其幹，切爲薄片，以水蒸之，水氣上升，入於容納器，漸凝爲白色之塊而樟腦成矣，每一樹所產額甚巨，有時可得六七千磅約值華幣萬餘元。近聞有人以經驗所得，知樹葉亦可製樟腦，其產量且較樹幹爲多。每年採其葉而留其幹，則祇有收穫之望，較之伐樹幹而絕其生長者，其智愚之差遠矣，大戰以後，西人以科學方法製造樟腦，其原料爲松節油。去歲輸入美國二百萬磅之樟腦，皆此物也。

北極有海鳥，體小爪有蹼狀類企鵝，而行動呆拙，有坎拿大動物學者某，從北極歸，自云親見赫羅脫島有海鳥十餘萬，哀斯基瑪人捕鳥不以槍而以網，蓋此鳥性奇愚，不能辨人與石，且無論飛或止，輒排列成行，故易於網取也。



# 一週間 國內外大事述評

自四月廿六日起至五月二日止

## 蔣赴長沙後返京

蔣於四月二十五日抵長沙後表示(一)決澈底討桂(二)馮玉祥現在潼關彼返京即可山潼來京外間謠言係奸人播弄(三)鄂主席俟中央命令決定(四)湘省黨務中央已有整理方案此後可以望好(五)湘軍財各政有何主席措置裕如本人無意見二十五下午何鍵在省府大花廳宴蔣席間蔣致訓詞略云十五年曾到湖南後因共黨搗亂與桂系阻隔以至不能與湘父老相見此次討桂完全係維持中央威信湘省府主席何鍵及各委員於二十六日就職蔣親往監督下午蔣專車返漢謂湖南今後重要工作為清共剿匪討桂安湘蔣於二十七晚五時半返抵漢口二十九日晨九時半偕賀國光魯滌平劉文島等到漢商會作紀念週行禮如儀謂本人快要回京特就紀念週與各同志相見兩湖因在政治上經濟上有特殊勢力故三年來所受痛苦為各省冠其複雜情形及腐化惡化亦甚於各省但青年及黨員都要跟着我們革命出發點把整個民衆聯合起來幸勿誤入歧途俾獲完成革命三兩月後或將再行下午蔣召集代理省主席蕭耀南劉峙方覺慧李基鴻李芳魯滌平錢大鈞邵力子顧祝同周佛海等會議(一)武漢防務由魯滌

平劉峙共同負責(二)水案由李芳進行交涉務期早日解決(三)駐防軍訓練及各軍指揮由賀國光負責蔣三十日乘江裕艦東下行營副官參謀交通經理四處各留一部人員在漢未行蔣過漢時預約朱培德晤面一日九時蔣抵下關十時入城隨來者有劉治洲周佛海邵力子等胡漢民孫科何應欽戴季陶各部部長計二百餘人往迎蔣登岸握手署致寒暄即與各要人回三元巷本宅關於鄂西軍事善後一事蔣在漢曾命孔庚改編孔二十七日電蔣改編即可就緒請先撥薪餉舊欠若干蔣當即派員點驗又胡宗鐸陶鈞夏威二十七日乘嵯夫號過漢口赴滬譚延闓部二十六日抵公安成旅進枝江羅旅到松滋附近譚令成羅兩旅設法截擊在宜都之夏威殘部譚二十七率直屬部隊跡追二十八日蔣又令公安石首之譚道源所部移駐長陽五峯宜都堵截夏威部勿令竄桂譚道源曾赴武穴晤張發奎並電周爛速出九峯探尋敵蹤何鍵則於二十九日赴衡督師攻桂令前方部隊嚴密戒備偵察敵情在此討桂聲中川滇黔又引起內部糾紛二十六日滬電稱據成都電楊森羅澤洲連戰俱為劉湘所敗現鄧錫侯出任調停戰事可望和緩又李榮奉蔣命二十一日開始反攻貴陽頃進至安順周西成有率部向烏江方面退走形勢又龍雲電擊擬先平周西成至於粵省將合討桂現尚未



明粵將領二十五日會議。對時局有長時間討論。二十九日黃紹雄派龔傑元謁陳濟棠。交黃親筆函。談二小時。謂黃擬出洋。政治由中央處置。龔與人言。桂無軍事準備。任何方攻桂即退讓。免糜爛桑梓。桂代表抵省後。一日陳濟棠召蔣光鼐。陳章甫。陳策。李揚敬等。討論黃紹雄函。並議調蔡廷楷陳維遠增防西江。抽鄧彥華部防衛省城云。

## 孫良誠辭職赴豫

濟南接防。因孫良誠辭職赴豫。已改派陳調元部接收。二十六日國務會議中。會議決接收濟青辦法。下令云。山東膠濟路日軍撤退伊始。亟應派兵填駐。以重防務。所有濟南以東至濰縣以西地區。着第二十二師長程心明及楊虎臣所部接防。濰縣及濰縣以東一帶着新編第三師長劉珍年所部及第四十五師阮玄武分別接防。並由政府派遣憲兵駐紮青島及膠濟鐵路沿路車站。辦理行車之稽查偵訪事宜。仰即知照此令。二十六日呂李兩委員會在泰安商接防辦法。下午七時歸濟。即晚開中日聯席會議。魯省府主席孫良誠。以胃病日劇。於二十五電國府蔣主席。請准予開去山東省政府主席職。俾得安心調養。在國府未正式任命人員接替期間。交魯省府委員呂秀文代理。孫辭職原電如下。漢口南京分呈國民政府主席蔣。行政院長譚鈞鑒。前上敬(二十四)電。諒蒙垂察。日來病勢轉劇。益不能支。謹再將經歷情形。為鈞座縷晰陳之。良誠自轉戰秦豫。垂兩年餘。猥以輟材。謬蒙鉅任。戒慎恐懼。時虞墮越。殫精竭慮。心力交疲。宿疾胃症。屢治屢發。每次增重。醫者為係勞心過度所致。宜於靜養。而不宜於憂勞。良誠初尙勉強。以為濟案解決。行且接收。一介之身。何敢

過於愛惜。姑俟接收事宜辦理完竣。再行乞假休養。適中央對接收事宜。為慎重起見。已定有通盤計畫。良誠私幸。乘此緩接期間。藉資診治。是以於敬電請假一星期在案。惟刻下病更加重。決非短期所能療愈。竊以主席責任至重。又值濟南接收吃緊之際。良誠病體支離。萬難勝任。再四思維。惟有懇請開去山東省政府主席職。俾得安心調養。除將省政交由呂委員秀文代理外。應請中央早日簡派賢員。以專責成。良誠即於本日起開封就醫。謹電奉聞。伏乞鑒核施行。臨電不勝屏營待命之至。職孫良誠叩。徑等語。國府接電後。即由文官處擬復電。大意謂該主席蒞魯後。卓著賢勞。政府深資倚畀。所請辭職。萬難照准云云。孫良誠於二十七日晨離泰安。程心明師偕行。共用三列車。開往濟寧。孫良誠走後。呂秀文有通電發出。謂孫因病赴津休養。在泰各委。公推秀文暫代省主席。已隨孫去之。各廳長已派員暫代云云。財廳魏宗晉。民廳張吉塘。均偕孫返豫。泰安安靜。孫良誠二十八由濟寧赴兗州視察。二十七晚。孫令路局備車十五輛。停泰安站。備運散處泰安附近之部隊及營底。鐵甲車山東泰安號。已由隴海路開往鄭州。隴海貨車因運糧食。多數駛鄭州。京中對孫良誠事。二十九晚各要人有會議。擬慎重辦理。三十晨國府去電。仍加慰留。詞甚懇切。據古應芬談。接防事。國府將重行支配。已議有辦法。國府已電陳調元。催速運兵入魯。陳部有八列車由蚌開出。崔士傑電外部。濟南反動勢力消除。中央派一師來。已足支配。接防變更計畫。由何應欽布置。已定濟南至博山一帶。改派范熙績接防。陳調元負泰安治安。方振武吳思豫仍照舊據孫科談。孫良誠不遵令接防。擅自離職。不知有中央。祇知有個人。遺笑中外。俟蔣回京。當討論處分孫良誠等。並改組魯省府。一日吳思豫兩團由津浦路北開。定一團駐濟南。一團駐泰安。總部設青島。一日晚范熙



續率全師抵泰安。即派一團乘兩列車即刻北上。二日早七時到炒米店。黨家莊。吳思豫之憲兵准二日夜三時到濟。駐辛莊。先接防城內。次再接防商埠。崔士傑。顏德慶及日方要人。定二日晚專車南下歡迎。陳調元有調任魯主席之說。馮氏對魯。早表示由中央辦。孫良誠離秦時。蔣曾電馮勸孫回任。一日馮有復電。交劉治洲轉蔣。謂孫離秦有二原因。一因魯省接防責任重大。良誠有病不敢負責。二因魯雜色軍太多。退出泰安。即表示退讓之意云云。至於馮腫病尚未全消。二十五日邵力子偕薛篤弼由潼來漢時。語人馮擬即赴洛陽撫視殘廢軍人。對行政院長仍謙辭。願以濟河築路等事自任。但無論若何。惟中央之命是從。蔣電馮慰勉。馮覆病宜靜養。不宜移動。準出席國防會議。面陳一切。二十九日蔣又派薛篤弼往潼慰馮病。又派劉驥賀耀祖赴潼關請馮來京。蔣聲明徐源泉駐蚌埠以南。不令有一兵一卒開蚌北。唐生智部亦無調動命令。並飭文官處通電全國聲明。馮與共黨無關係。一日劉治洲語人。一月來奔走蔣馮間之。間分頭接洽。圖表示討桂已屬萬不獲已。在青白旗。發生內戰。頗為可耻。馮表示中央為吾人共同犧牲所造成。咸應擁護。蔣表示對馮始終合作云云。惟鹿鍾麟熊斌及前二集團之駐京各級人員。三十日止已悉離京。馮京宅原有大刀隊守衛。三十日撤去。行政院秘書戈定遠。軍部總務廳長虞典書亦均告假。將於一日已經返京。至於時局變化若何。不久當能分曉也。

## 中日寧漢案簽字

中日寧漢兩案。已於二日在京簽字。商約問題則將待芳澤回國磋商後

再議。茲將一週間中日交涉情形彙誌如下。二十六日下午外部條約委員會討論中日修約原則。並議定修約換文。已定原則大致（一）關稅自主。（二）收回領事裁判權。（三）收回內河航行權。當局意辦不到時。不妨附有條件。（四）收回租界。撤銷國內各地所駐外國軍隊。此問題是否提出討論。尚未決定。至國內雜居及土地所有權。按照中比中義前例。尚且有規定。一得以法律章程限制之。故在允許日本以此等權利時。有一先決前提。即日本在華一切特權必須取消後方可云。日方二十六日發出中日條約照會。外部於二十七日收到。該節略全文云。日本帝國公使館對於昭和三年八月十四日。國民政府外交部關於中日通商行船條約之節略。本帝國政府之訓令。有致下開答復於國民政府之光榮。（一）國民政府引用中日通商行船條約第二十六條華文本。認該條款之意。為十年期滿後六個月內。若任何一方已經提議聲明更改。並已實行商議改訂。則不再延長其效力。又以北京政府時代。曾於大正十五年十月二十日。以公文提議改訂中日通商行船條約。同時聲明。如條約規定之六個月內。新約未成。保留其當然得有之權利。主張不得同意於條約之效力延長。惟關於第二十六條之解釋。如去年七月三十一日日本公使館節略之所陳述。照該條款之日文本及英文本。應解作自十年之終起算。六個月以內改約商議未完結時。條約並稅目當然繼續十個年間效力。已屬明白。以如斯明瞭之規定。而見解釋之相異。帝國政府引為遺憾。萬一日本文本華文本之間。解釋縱有相異。該條約第二十八條規定。如此時節當以英文本文為準。故帝國政府始終確信其主張之正當也。又帝國政府對於北京政府之提議。大正十五年十一月十日。曾以節略答復。應諸改訂之條約。提議而對於前記權利保留。依現行條約



第二十六條之規定。不得容認之。其後當數回商議期限之延長。常聞明見解各在案。又如七月三十一日節略中所預行指摘者。也是以中國方面之所謂保留權利之聲明。不能認為變更何等條約之規定。或影響於條約之效力。(二)國民政府認據情勢變遷之原則。使條約廢止或中止。於法理上國際慣例上。為絕對可能。關於中日通商行船條約。一面提議根本改訂。一面本前記原則。堅持去年七月十九日外交部照會中所述關於該約失效之主張。夫情勢變遷之原則。於國際間。並非確定為法規上之原則。不寧惟是。若認如此之原則。則一切條約。無論何時。殆均得依締約國之一方的意思而廢棄。即國際法之根本。將至於動搖。即按之先例。亦未嘗有認本原則之適用者。且中日條約。特設關於條約效力之條款者。為預想情勢之變遷。而非謂情勢一經變遷。條約遂當然歸於無效。明矣。(三)總之帝國政府於中日通商行船條約廢除問題。雖不能任其從來之主張。一如前所述。但一方對於國民政府渴望從速改訂中日通商行船條約。以符力謀兩國親善之本旨一節。固始終不吝同情之考慮。尤其對於早日成就穩健的建設之大業。內舉國內和平之實。外敦中日國交之厚。希望亦最切。以故若國民政府願慮中日兩國友好善隣之關係。披瀝其誠意。在新約未完全成立以前。仍依現行條約之條款。律行兩國間之關係。而為改訂現行條約之提議。則帝國政府應前遵國民政府之提議。就開始其認為適當之改訂交涉。具有充分之誠意與同情。特此聲明。昭和四年四月二十六日。日本帝國公使館。外部接到上項照會後。由李璜於廿七日晨。將覆照遞交日方。原文云。國民政府外交部長。接准四月二十六日日本帝國公使節略來示各節。均已詳悉。關於中日通商行船條約文之解釋。國民政府之見解及一切主張。業於十七年八月十

四日致貴公使之本部長照會中。詳晰聲述。是以該條約之効力問題。仍如前述。極為明瞭。無須贅述。至關於本問題法理上之爭執。以貴我既有諒解。應置勿論。故國民政府當以至誠。立時開始協議。切望於最短期間。訂立平等及互相尊重主權為原則之新約。尤望得以期日促進之。中華民國十八年四月二十七日。國民政府外交部。五月一日。日樞密院將寧漢兩案協定草案核准。訓令芳澤簽字。二日晨芳澤偕重光。堀內。有野。上村到京。午前與王外長會見。簽署寧漢兩案。據稱。寧案協定實際上與中英中美寧案協定相仿。漢案協定。則與寧濟案相異之點頗多。並開第一次修約會議。我方提出修約意見書。關於實行國定稅。互派領事。取消內河航行權。領事裁判權。以及訂立平等條約之原則。敘述甚詳。芳澤接受後。請容詳細考量。當夜返滬。定即日內回國。於九月二十六日前回華。再談判修約云。

## 其他外

## 交事件

除中日交涉外。本週另有重要外交事件數起。(一)九國軍火協定取消。一九一九年禁運軍火條約。係於是年五月五日起施行。至四月二十六日失效。領袖公使歐登利。有下列電文致外長王正廷。(譯文)王部長閣下。一九一九年五月五日公使團領袖朱爾典爵士。曾照會當時北京政府。內開大不列顛。日斯巴尼亞。葡萄牙。美利堅合眾國。俄羅斯。巴西。法蘭西。日本各國政府同意。以有效方法。阻止該國家人民。以戰爭軍械彈藥。以及專供製造是項物品之材料。輸入中國。迄有全國承認之政府成立時為止。此後荷蘭。丹麥。比利時。義大利。諸國政府亦參加此項禁運軍械條約。今附上該領袖公使照會一件。用備參考。閱該照會。可知有關係各政府行動。顯然於中國國內不幸發生內戰時。為顧全

國利益起見。現下情勢。已經重加考慮。鄙人得與關係各政府駐華代表。賦與權力。謹向閣下。作下列聲明。一。荷蘭。比利時。巴西。丹麥。西班牙。美利堅合衆國。法蘭西。大不列顛聯邦。與北愛爾蘭。義大利。日本。葡萄牙各國政府。爲顧念國民政府成立以來。情勢變更。已將一九一九年五月五日禁運軍火條約。重行考慮。以爲該條約。現無繼續必要。決定自本日起。作爲取消。此致王部長閣下。領袖荷蘭公使歐登科。北平。一九二九年四月二十六日。二。撤銷領事裁判權照會。發出。撤銷領事裁判權照會。於二十八日。由寧發致英美法荷挪巴西六國。有領判權者十國。其中八國。條約已滿期。瑞典約。今年十月亦滿。瑞士已聲明他國取消時。彼亦照辦。故僅照會六國。照會定五月四日發表。

## 日內瓦軍縮會議

上週本刊曾載美代表吉卜生在日內瓦軍縮會議席上作海軍軍縮建議。引起列強注意。本週中美代表等。對陸軍軍縮。頗多討論。廿六日軍縮委員會討論各國實在陸軍軍力。美代表吉卜生作重要宣言。稱美政府關於此事。準備接受陸軍國意見。請各代表團揭開各該國家。究有能服兵役者之人數。德代表歡迎吉氏宣言。法代表稱吉氏之建議。可促進委員會工作。日代表指稱。吉氏建議。爲徵兵國家開一新徑。關於此事。日代表團準備作一切可能退讓。但日本不擬更改現在之徵兵制度。二十七日德代表彭斯篤夫伯爵。在軍縮委員會中宣稱。德國願堅持。在任何國際軍縮草約中。應將受過訓練之後備兵算入。德國可不堅持取消徵兵制。但要求受過訓練之後備兵。不應川數目估計。而應視其作戰實力。荷

蘭代表則反對將受過訓練後備兵一條。加入軍縮草約。俄代表李武維諾夫因將此條除外。表示遺憾。稱俄政府願同意削減各種門類之軍備與軍力。英代表顧沈敦貴族抱堅強意見。以爲委員會應將受訓練之後備兵加入。華代表作一長宣言。反對徵兵。稱其鼓勵軍閥的國家主義。與國際聯盟宗旨不符。徵兵制保持受訓練之後備兵。在徵兵制下。不能有真正軍縮。二十八日中國代表接見路透社訪員時。稱他國如不廢除徵兵制。中國亦將採用此制。二十九日軍縮委員會討論中國提出之廢除普遍軍事訓練制度建議。主席請中國代表團勿催促。聽主席團擬定該建議應用何方式。中國代表同意靜候主席團議決。但保留與政府磋商後。有權再提此事。坎拿大代表雷德爾博士對中國建議。表示同情。與英美荷瑞(瑞典)表示之意見一致。德代表彭斯篤夫伯爵贊成取消強迫軍役。俄代表李武維諾夫稱彼在原則上不反對中國建議。委員會次復研究草約中限制能服兵役人數之第八款。李武維諾夫建議將「限制」字樣。改爲「削減」。顧沈敦貴族指稱。限制及削減問題。已經解決。於是將該建議取消。彭斯篤夫伯爵在討論時稱。彼等並不請已經縮軍之國家再縮。彼希望將來召集之大會。勿變成互相保護反對軍縮之會議。(大笑)德國建議修改草約第八款。欲將曾受訓練之後備兵額。一並列入受限制範圍之提案。終被否決。投贊成票者。祇有中德俄三代代表團。又據可靠消息。國聯軍縮委員會會員。擬磋商開一新軍縮會議。邀請列強代表出席。該會擬於一九三〇年在華盛頓召集云。

## 英工黨選舉政綱



四月二十五日英國全國婦女勞工大會在卜克司敦開會。麥克唐納解釋工黨政策與大多數婦女投票人關係。彼承諾工黨政府將與食糧委員會以管理糧價之權。寡婦恤金完全以需要為根據。採用猛進的教育政策。尤其注意於養育院。發展生產與孩童幸福之工作。並進行建築程序。至少須建房屋一百萬所。以利工人。二十九日。工黨發表選舉政綱。撮要該通告中。主張用民治方法。作有秩序的進行。并列舉復業之詳細計畫。其中包括(一)建築住房。清除街市。(二)改良交通。用電氣化。(三)添築新路。(四)造林。(五)改良煤業。(六)與俄復交。(七)定農業政策與城市政策並行。(八)取消食品稅。(九)教育機會均等。從幼稚園至大學均開放。(十)推廣撫恤金計畫。(十一)批准華府八小時工作草約。(十二)修改工黨黨章。上項通告中。尤注意婦女。並允應付生產死亡與關於婦孺在法律社會經濟上變態地位方法。又允施行男女平等待遇原則。

### 美國兩院臨時會

美上下兩院自四月十五日召集臨時會議後。即進行討論農業救濟及修改關稅兩大問題。二十六日下院以二百六十七票對三十四票通過撥五百兆元作農業救濟用之議決案。一切對於原案提出之修正均遭否決。農業救濟問題。經上院圓滿解決後。將注意於重要關稅事件。但上院將繼續爭論農業救濟事件。上院有大部議員。竭力贊助下院刪去之出口津貼條款。該條款為胡佛總統所反對。北達可大州上議員佛來齊在上院演說。贊助亞阿瓦州議員卜祿克哈武。攻擊胡佛云。又據聞胡佛總統欲正式解釋坎美禁酒條約。因近來曾發生。寂寞一號被美國防隊擊沉事件。據聞將請國際有聲望律師。如伊里湖路德及許士等。充仲裁委員會美方仲裁。以判決坎籍船主是否有權向美方要求損失云。

## 世界結婚年齡考

(滄 覽)

印度平均	男子十歲而娶， 女子八歲而嫁。
日本平均	男子二十而娶， 女子十八而嫁。
俄國平均	男子二十而娶， 女子十八而嫁。
德國平均	男子二十六而娶， 女子二十五而嫁。
英國平均	男子二十八而娶， 女子二十六而嫁。
美國平均	男子二十四而娶， 女子二十四而嫁。
法國平均	男子二十三而娶， 女子二十而嫁。
挪威平均	男子三十而娶， 女子二十八而嫁。

# 國內一週大事日記

(者記)

自十八年四月廿六日起  
至十八年五月二日止

四月廿六日 星期五

- △國府下濟青接防令、
- △蔣由長沙專車返漢、
- △領袖公使歐登科照會王外長、即日起取消九國軍火協定、
- △國府通令各省區於廿一年三月以前、一律設立飛機場、又公布教育宗旨令、
- △又外部討論日約原則、又芳澤致外部改約節略、
- △邵語人馮不就行政院長、邵係於二十五日偕時篤弼到漢、
- △朱綬光山太原赴五台謁閻、
- △航空家陳文麟飛行抵仰光、
- △孫良誠辭職、自泰安率眷屬要員赴豫、
- △蔣抵漢口、
- △外部收到中日改約節略、將覆文發出

四月廿七日 星期六

、王正廷赴滬、

- △葉楚傖陳果夫抵滬、調查上海總商會風潮、葉士調解、
- △鹿鍾麟離京赴開封、
- △胡宗鐸陶鈞夏威過漢赴滬、

四月廿八日 星期日

- △外部發出撤銷領事裁判權照會致英美法荷挪巴西六國、
- △太湖匪三百餘人、劫嘉興中國銀行、
- △何鍵出發赴衡督師攻桂、

四月廿九日 星期一

- △國府派陳調元接收濟南、
- △薛篤弼山漢赴瀋陽謁馮、
- △吳思豫就憲兵司令職、

四月三十日 星期二

- △蔣乘江裕艦由漢起程東下、
- △改派范熙績担任濟南警備、
- △賀耀祖劉驥由漢赴潼、請馮入京、
- △令陳儀暫代軍政部長、
- △孫科談將處分孫良誠等、
- △王正廷由滬回京、
- △張家口蒙旗會議開幕、

五月一日 星期三

- △各地舉行五一勞動節紀念、
- △蔣由漢抵京、
- △馮電蔣解釋孫良誠辭職原因、
- △范熙績率全師抵泰安、
- △芳澤入京、
- △張宗昌在旅順被阻登岸赴日、
- △吉海路通車、

五月二日 星期四

- △芳澤到京簽漢案、
- △范熙績部抵黨家莊、



## ■ 羅 陀 蔓 釋 ■

( 癭 清 )

「蔓陀羅」即俗名山茶。樹高者一二丈。低者止二三尺而已。其葉似木樨。形較尖長。而闊厚過之。特枝幹交加。而色作淺綠。光滑油潤。可經冬不凋。以狀類於茶。故以茶名。而茶又宜於山地。故又以山茶著。

花之色最多。其開時亦最久。自冬至春皆有之。性喜陰燥。不宜濕肥。故栽植較易。蘇州拙政園。春間向以茶花聞於時。而近亦稍衰。不復邀人一盼已。名花雖貴。而亦與時勢爲緣。遑論其他。昆明以茶花爲市花。稱之爲剛具梅心。勁等竹節。與首都之春蘭。北平之秋菊。堪爲競賞。亦可謂是花之幸運矣。

西山太華寺。相傳有茶花一本。爲建文帝手植。迄今繁茂不枯。與龍泉觀之唐梅宋柏相輝映於西南。洵推希世之靈椿。而其花未之見。雖美弗彰。

是花種類極多。有「瑪瑙茶」。產自溫州。色近紅黃。白心。大如紅盤。「鶴頂紅」出自雲南。花大。紅色。瓣形如蓮。其心如鶴頂。「南山茶」。植自廣州。其葉生毛。結實大如拳。與常花不類。「寶珠茶」。葉較細。花若殷紅。產蘇杭各地。其它不以地域殊。而以名別者尤繁。如「楊妃茶」。「正宮粉」。「石榴茶」。「真珠茶」。「躑躅茶」。「茉莉茶」。「一捻紅」。「照殿紅」。「晚山茶」。「碧山茶」。「胭脂片」等類。皆非凡品。而爲羣芳競秀之特出者。故樂爲略釋如右。

# 采風錄

國風社選

海藏七十生日

逸塘

高樓屹如山。種松鬱晚翠。年時待旦人。歛手斬一試。餘生戀寒日。盤錯見利器。旁人怪此翁。栖栖究何爲。誰知冰槩心。歷劫曾不易。公嘗詒我詩。妙語喻猿臂。逢時偶然耳。數奇何足異。己重物自輕。所得由養氣。彼蒼果悔禍。河清終可企。歲歲百花開。從公飲文字。

己巳上巳禊集社團水榭分得白字率成二十韻

書衡

世界一微塵。森然萬象迫。依京錄夢華。杜門編野獲。好事可偶爲。流光亦微惜。風入陽春狂。地沒陰壙迹。曾踏曲江青。竟看天水碧。觴詠會重三。賓主數逾百。汀州名似洵。介國壽同甌。嶽嶽晉象翁。歷歷盟鷗客。特健歸畫家。清談妙屬籍。坐接荀令香。色爭越女白。喜神少梅花。蒼顏伴松柏。卷題蠶繭紙。饌設牛心炙。望遠多所思。離

羣恒不懌。出關老猶龍。過江士如鯽。絕唱積鞏疏。聯吟安綽隔。紫雲韵字貽。拈韵素書詩。債索大雅渺。難尋臞仙去。何適年。謂匏廬疑遊蘭渚亭。或降戢山宅。妄言衆姑聽。斯文今視昔。祓楔勝官修。酒闌謝散釋。陳徵主其事。舊有駸駸歲序官修禊之句。

三月三日鶴亭鑑秋招飲廣和酒肆即席有作

樊山

年年此日會長安。謀醉無名借禊蘭。舊國鶯花餘勝賞。古亭鰕菜是常餐。酒人曲水流觴易。詩筆蕭樓入選難。蘭亭詩無獨遜永和。清朗氣北都風霧。武蕭寒。是日一佳者。

和懷衡獨游江亭韻

鶴亭

驚見天涯草又青。百端懷抱付孤亭。雲剛缺處山如畫。風到微時水可聽。壁上舊題成獨笑。鏡中頰頰覺初醒。僧房長日簾垂地。送耳聲聲轉百靈。



石老累示疊均詩守一蹇廬先後疊和次均奉訓

纓櫛

千紅萬紫滿園中。眞賞吾終愛晚叢。且買寒畦供菜把。肯因黃閣換松風。民愚敢怨秦坑酷。俗薄纔知魯酒豐。畢竟書生成大業。試將人物數咸同。

壽太夷丈七十

釋戡

中歲行歌接楚狂。當邊一旅鎮堂堂。析津夜起看珠斗。蓬島春歸檢錦囊。自有聲名馳八極。祇憑羈絆繫三綱。巾裘腰笛吾滋媿。學譜南飛作壽觴。

雨後六三園觀櫻賦呈海藏

梅泉

開落何心戀故枝。洗紅已褪一分姿。漫因遲暮增惆悵。未盡飄零且護持。春色還人應倍好。輕陰與爾亦相宜。晚芳待看重英發。密語樓東約後期。

鶴亭北來話南游之勝漫成兩律即題游吳片羽

子威

記從遼瀋寄吟身。重向尊前見故人。淮海南來遊未倦。幽燕北望迹都陳。地名勝供詩酒。天爲江山易笑頻。閱徧滄桑多少事。嵇生龍性已全馴。

跌宕江湖去放船。此行却費買詩錢。俊遊常挈新吟侶。特地來尋好墓田。君至虞山訪柳如是語無恙樓臺如舊識。有情風月又今年。相招秋雨梁園客。重話城南尺五天。

己巳楔辰大風不赴水榭之約

茫父

重城得水足嬉春。風日招要及楔辰。吹垢連天花破睡。生波泛羽翹添塵。流鶯易老期婪尾。短策難支惜病身。縱是成吟同所託。尊前圖夢已無人。

爲靖陶題看雲樓覓句圖

病山

家風馳想建安才。正始元音久已頽。滿地青蕪天似墨。賸披寥廓寫沉哀。

白衣蒼狗絕端倪。變相難窮目易西。刺事尙摹唐樂府。人間觸目盡新題。

留客住

己巳上已社園卿集分得照字用耆樸韵

倬盦

儘憑眺念上都。楔游陳迹浪吟嘉。伴幾度名園春草流。觴岸曲波細弄水。風裏歌來聲縹渺。花林絳碧貯金丸。落處怕驚飛鳥。錦屏悄恨舞袖人空。藏鈎境杳泥飲心腸。倦拍宮商難表。淒斷翠華尋夢素髮盈。替情深天自老。簾陰正午繫駒光。莫待暮山斜照。

# 今傳是樓詩話

逸塘

詠物詩以七言爲最難。蓋用意刻琢。易於傷格。專講超脫。又難到題。昔賢工爲此體者。首推工部。東坡。工部詠返照云。楚王宮北正黃昏。白帝城西過雨痕。返照入江翻石壁。歸雲擁樹失山邨。衰年病肺惟高枕。絕塞愁時早閉門。不可久留豺虎亂。南方實有未招魂。如此大篇。驚心動魄。安可以詠物目之。又野人送朱櫻一首。和裴迪登蜀州東亭送客。逢早梅相憶見寄一首。亦係傑作。東坡李鈴轄坐上分題戴花云。二八佳人細馬馱。十千美酒渭城歌。簾前柳絮驚春晚。頭上花枝奈老何。露溼醉巾香掩冉。月明歸路影婆娑。綠珠吹笛何時見。欲把斜紅插皂羅。可謂極隸事之工。丈玉堂栽花。周正孺有詩。次答其均云。故山桃李半荒榛。粗報君恩便乞身。竹簟暑風招我老。玉堂花藥爲誰春。纖纖翠蔓詩爭發。皎皎霜葩髮鬪新。只有來禽青鳥帖。他年留與學書人。此

詩不僅詠物。而當時出處懷抱寄托。咸寓其中。詩道性情。固應如是。如專以刻畫雕琢求之。要非上乘。至斷句如張漁川四科詠胭脂一聯云。南朝有井君王辱。北地無山婦女愁。某君應京兆試不售而歸。即席賦白菊花一聯云。燕台秋老金無色。栗里人歸鬢已華。均膾炙人口者。翁覃溪極稱之。近如王湘綺詠蘋果云。南土移來香漸減。北方亂後到應稀。亦極佳。惜只記斷句。湘綺自謂神似工部。每以告人。


樊山柳色黃於陌。上塵一絕。膾炙人口久矣。哭龔燕晉道中題壁句云。夕陽紅煞鴉邊樹。秋柳黃於馬上人。亦復傳誦一時。哭龔生平最工此體。年十六七時往返五溪夜郎間。道中題壁句云。春波綠濕桃花影。夕照紅乾燕子泥。由梧州赴桂林。舟行灘江道中得句云。四山雲似飯。初熟一路灘如花。亂開癸卯暮春題海淀酒樓云。



十日九風偏少雨。一春三月總如煙。己酉年燕晉道中  
又有題壁句云。心上故人三五雁。腰間神物一雙龍。上  
句蓋用定盦詩意。悽艷獨絕。固宜傳唱旗亭。

幕客起家。咸同最盛。湘陰合肥而外。如劉霞仙郭意城  
陳雋丞李勉林諸公。皆其著者。清季則吾友無棣張韓  
齋亦擅盛名。開府南甌。猶是壯歲。余與君聞聲相思。民  
國初元。始獲執手。過從之歡。顯顯心目。顧其後君幽栖  
海上。屏絕世緣。似聞閨中相佐之力爲多。今春君忽寄  
示所爲悼亡詩冊。蓋爲慧淨夫人作也。慧淨周姓。以才  
媛從君逾十載。觀君所爲挽詩。沈痛如此。則其賢可知  
情之所鍾。原在吾輩。曩奉新許僊屏悼其姬人。刻詒煒  
集。韓齋之意。其在斯乎。詩云。油壁來時。桂嶺秋金。釵鈿  
合誓。牽牛匆匆。短夢隨雲散。黯黯華年。逐水流。從古名  
花。例無子多生。慧業只供愁。老懷我已悲難遣。猶勝淒  
涼燕子樓。玉京携手便依依。石上精魂果是非。剖腹求  
生期。白首憐儂忍死檢。春衣空餘鏡裏雙。棲影怕想花  
時。比翼飛。落月幺鉤。夏幽響。珊珊環珮。或來歸。又是新  
梅破蕊時。紅閨韻事耐尋思。傳花擊鼓催行令。剪綵搏

泥。學。賣。痴。戲。擲。金。鈴。調。海。鵲。教。臨。玉。版。試。隄。隄。懽。懽。觸。  
緒。分明。在。纔。說。嬉。春。鬢。欲。絲。病。魔。燒。夢。倚。熏。籠。強。作。歡。  
娛。怕。惱。公。蘇。肺。頻。煩。煎。淡。薺。鑒。愁。時。復。唾。殘。絃。淒。漫。  
譜。金。丹。曲。窗。冷。虛。延。玉。女。風。腸。斷。鴛。鴦。江。上。水。樓。船。蕭。  
鼓。待。驚。鴻。生。小。蛾。眉。暈。黛。痕。前身。合。在。苧。蘿。邨。新。醅。自。  
釀。鵝。兒。酒。斷。素。留。裁。犢。鼻。褌。病。骨。尙。勞。親。浣。滌。夜。台。牘。  
與。夢。溫。存。長。生。浪。說。神。僊。訣。那。有。還。丹。可。返。魂。前。塵。一。  
憶。一。辛。酸。玉。骨。於。今。尙。未。寒。執。手。何。期。成。訣。別。彌。留。猶。  
爲。策。平。安。羅。襪。在。桁。疑。纔。換。寶。鏡。封。塵。那。忍。看。不。盡。空。  
階。寒。雨。滴。收。將。老。眼。泣。微。瀾。便。結。他。生。未。盡。緣。今。生。已。  
恨。隔。人。天。傷。心。苦。藥。頻。相。強。在。耳。微。呻。祇。自。煎。同。穴。定。  
當。償。一。諾。招。魂。直。欲。澈。重。泉。衰。髭。短。鬢。無。人。鑷。春。暖。猶。  
驚。雪。滿。顛。泡。幻。年。來。感。已。深。欲。求。般。若。契。雙。林。待。參。貝。  
葉。無。生。旨。卻。洗。卷。施。不。死。心。料。得。孤。棲。成。怖。鴿。倘。能。共。  
命。化。仙。禽。戒。香。爲。了。平。生。願。同。禮。空。王。聽。法。音。君。早。歲。  
名。噪。國。學。才。氣。橫。溢。傾。其。輩。流。四。朝。詩。史。中。錄。九。日。登。  
高。長。歌。實。其。少。作。此。次。悼。亡。諸。作。老。筆。紛。披。才。思。不。退。  
信。乎。能。者。之。不。可。測。也。



## 離婚後

豈風

「第四階級乎？第五階級乎？」

個乾先生一人坐在書齋裏，不住的思索一個小說的結構，口裏微微地唸着。他想：現在據說是阿Q時代已經死去，新的偉大時代要來，第四階級的文學將要勃興，自己一向負着時代先驅者的威名，好久又沒創作甚麼東西，正當着這時代的劇變中，發表出來的東西，要不迎合潮流，給時代一個大大的驚異，豈不是爲盛名之累？

個乾先生確實有好久沒有發表甚麼東西了，一班文壇的健將們，個乾先生的朋友，便在那個週刊和這個月報上，替他四處宣揚。不是說個乾先生正在收集民間傳說的材料預備要做一部偉大的代表民族精神的作品，便是說個乾先生正在集中精力作一部長篇的描寫時代的小說，所以零星的作品少有流佈在外面。這種種推測，吶喊，和宣揚，個乾先生聽了，不過微微一笑。

，他自然有他暫時擱筆的原因，除了他自己外，別的不相干的人自難於知道。

這是他婚後第一次寫小說，是應一個很負盛名的文學月刊編者之請的。那編者是他的好友，除了一連五封快信外，還來了一個電報催促，據說一月號的月刊要等他的稿件寄到後才能付印。他不敢再怠慢，趁着新婚夫人連日跳舞太勞，早晨躺在牀上尚未醒來的當兒，溜到書齋來寫小說。

說「溜」，這字並沒有用得過分，他確實是從夫人那裏溜出來的。清早在床上睜眼醒來，便看到一旁睡態正濃的夫人的身上，伊浮着一臉春意，小嘴闔得緊緊的，唇上還有昨晚舐餘的外國胭脂，看到那鮮艷的零落的紅色，他覺得伊確實是世上頂可愛的，值得他忍受那麼大的麻煩，把從前的夫人離掉。講漂亮，講裝飾，從前的伊那能及得現在睡在旁邊的伊呢。他心中

在想：怎樣去把伊的美表現出來，怎樣把伊寫成一篇故事的女主人。

由故事他又想到自己以往的理想。他在文壇足馳騁了十年了，自嘆才華已盡，非要新的感興，非要新的生活上的刺激不可。據說最能使文人情感奮興的兩種：一是窮，二是女人。窮，他自小已窮得够——不，應當說窮得怕了，他不願再去受窮。女人，則他從小就缺乏那上面的經驗。於是決定去找女人，想從那上面把已死的情感復活起來。但他已有了那被稱爲「賢婦」的夫人——說到那位「賢婦」，一切連容貌都在內，並不在水平線下，就只是呆板些，不會從一切上使得個乾先生發瘋——再去找女人，好比執着磁石的南端去吸引另一磁石的南端，結果是到處遭受到斥絕。他爲完成他的夢想，不惜用加倍的麻煩金錢離掉那位「賢婦」，用三倍的金錢和麻煩同現在的伊認識，再用四倍的麻煩和金錢達到和伊結婚的夢想。現在伊睡在他身旁已有一個多月了。

婚後，他並不見得有甚麼新的感興使他在創作上更努力。現代的女人也許都是一



個模型出來的，婚前使得男人發瘋，婚後伊發瘋給男人看。這頗使得個乾先生有點窮於應付，一天在太太面前獻溫柔還來不及，那有工夫去創作。和以前想得着一位較美麗的太太能給他以興奮的夢，正是相反。但他一看到太太那樣的漂亮，他就只好忍住，陪着伊一道去發瘋。

今天早上他醒了以後，就想到那個文學月刊託他撰述東西的事。屈指算來，本年這最末的一個月只剩下幾天了，現在交通又不方便，郵寄至少要一個多禮拜，人家的刊物正等着他的作品付印，再不能遲緩。他趁着太太的好夢正濃時，便把自己的身子從溫軟的被窩裏輕輕地拖了出來。外間的空氣很冷，他打了一個寒噤。下床剛披了一件皮袍，床上的太太忽然翻了翻身，他猛吃一驚。幸好太太並沒有留心到睡在自己旁邊的人會在這時溜去，一翻身臉又朝着床內，去尋伊的甜夢。他輕微地嘆了一口氣，如釋重負似地，這才從臥室溜到自己的書齋。

他有好久沒到書齋了，溜到書齋，一切都不大順眼，室內的一種怪味，和那書棹

上的一層灰塵，已使他感到不滿意。再加以椅子上不見了軟綢墊子，棹上一切如硯台墨盒印泥水盂之類，經過無知的僕婦們的手，改變了那往日的樣式，看了更令人不舒服。他無法，只好拂去棹上灰塵，勉強坐下，這才想到要寫的小說的情節。

話又得說回來，這就要回到開始時那兩句：「第四階級乎？第五階級乎？」的話了。對於時髦，對於潮流，個乾先生向來不肯落人後的。每一個主義的名詞剛介紹到國內來，他就馬上有那種主義的作品出來問世，這樣使他永遠保持了青年們給他加上的時代先驅者的威名。在婚前，他已聽得有人在文藝的市場上叫賣「第四階級」這貨色了，正要一馬搶先時，恰好就遇着離婚和結婚這兩重的大事。如今快過兩月了，外面時勢變得那樣快，現在也不是「第四階級」的文學當權。那麼，他想，就寫「第五階級」的文學吧，即使外面仍是以「第四階級」的文學為時髦，他寫到第五階級，比別人更進了一步，決不會錯。

但是「第五階級」竟是甚麼？他想一定是比「第四階級」更受壓迫更窮苦的人。他恍

惚記得工人和農人是第四階級，比他們更窮苦的人，世上只有乞丐。乞丐應分是屬於第五階級的。這小說的主人翁就假定是一個大都會的乞丐，小說的開場就假定那乞丐在一個下雪的冬天正赤身臥在雪地裏。

這樣決定後，他又想到「第五階級」的文學應該怎樣描寫的問題。自然是比「第四階級」的描寫要更進一步，譬如「第四階級」的文學中寫一個被壓迫的工人眼中流淚，這就要更進一步寫他眼中流血。他恍惚記得某一期的撰作月刊中有一篇作者自稱為頂刮刮的「第四階級」的文學作品，不妨拿來參考，比那篇再進一步的描寫，自然是道地的「第五階級」的文學了。

順手去書架上找撰作月刊，又使他感覺到驚異，那些書早不是依着他那分類的次序排列，不知何時經過僕婦們的整理，高的列在一頭，矮的又另列在一頭，看是比以前好看得多，但在應用上使他覺得非常的不便。他不由的想起以前那位夫人的好處來，不但架上的書籍是依着他的心理替他排列得好好的，就是書齋中的佈置，甚

至一硯一筆的安排，都體貼得入細入微。只要聽說他去書齋寫東西，桌上的稿紙早鋪得好好的，沒一毫使他覺得不便的地方。平時享受慣了，一點也不覺得，如今才知道那是不可多得的了。

好容易才從幾本文學全史的夾縫裏找出那本撰作月刊來，幸喜一下就翻到那篇自命爲「第四階級」文學的偉大作品。讀了一遍，又揣摩了一會，這才決定動手寫。打開抽斗找稿紙，那裏面亂堆着許多碎紙和包陳皮梅的花紙，另外還有陳皮梅核，却不見稿紙的蹤跡。找了一會，找出一條揉做一團的綢手巾和一張撕破了的相片來，那手巾上面還有許多點點斑斑的黃印跡，他見了，怔住了好半晌，不由得想起月前的那一幕情形來。當他和伊離婚的手續——律師的證明，贍養費的給予等——都辦好的那一個下午，伊從臥房裏清出許多零星的用品，捆做一包，他逼着伊往外走。走到這書房時，伊看見桌上擺着他的相片，忍不住哭了。他催着伊，伊更哭得利害。他看見夫人哭的樣子，想到伊平日的許多呆板的地方，他更生厭了，惡聲地逼着伊

走。伊向他多方哭訴，不要和伊離婚，終歸是無用。最後伊哀求他送給伊這張相片做紀念，相片已在伊手裏了，他搶了過來撕做兩塊，用蠻力強迫伊離了門外。這手巾就是那天他夫人用來拭淚的，大概因爲他用力過猛的原故，手巾便掉在地下，不知怎樣又和相片一同留在抽斗裏了。

他現在想起來，那一着也未免太忍心了，六七年的夫妻，要一張相片，有甚麼要緊？何苦是那樣心狠？伊除了呆板外，究竟又有甚麼過失？新的夫人究竟又給予了他一些麼？但他一眼望見對面壁上掛着的新婚夫人的肖像，伊側着頭帶着笑，像一朵新開的玫瑰，他的心也就貼然了。

從另一個抽斗內找到稿紙，鋪在桌上。想好了的情節，經過剛才的擾亂，腦內又弄得昏昏然了。這是他從來沒遇過的壞連的一天。以前只要是他寫小說，從沒遇到足以擾亂心緒的事情。寫到口渴時，自然有一碗泡得剛好的茶擺在旁邊等他喝，只要他拿起煙斗，便會有一根擦着的火柴湊上來。他不問伊的話，伊絕不作聲，靜默地坐在一旁，使得他覺得如沒有這個人在

旁邊一樣。而今那能行，室外便有不斷的吵嘴的聲音。

他不願再想這些，收住心，集中在寫小說上。打開墨盒，那墨棉乾得像一塊黑泥，水盂裏也找不出半滴水。他提起嗓子喊黃媽送水。半晌，才有人答應，又半晌，黃媽才用臉盆盛一盆水進來，他看了那一盆水，更不奈煩了。

「怎麼！」他說。「我要你送點磨墨用的水，你怎麼盛了一大盆來！」

「我以爲老爺要洗臉呢。」黃媽放下了臉盆。「唉，老爺的脾氣就只我們先前那位太太懂得，只要您嘴唇皮一動，不用您說，伊就懂得您是要甚麼。」

「……」他一搖頭，沒有說甚麼。

「像我們這種笨人，是一輩子也學不來的。」伊把水盂裝滿了水，送到桌上去，不小心，把桌上的稿紙濕了一大塊。「您瞧，我們一插手，就得鬧亂子不是？唉，我們先前那位太太……」

「唉……」他揭開了那幾張濕了的稿紙。

「唉，老爺，」伊放低了聲音說，「我不



能不告訴您。」

「甚麼事？」

「就是這新來的趙媽，伊太不是東西了，昨兒米櫃裏少了三升米，十個鷄子只見五個，前天老爺吃剩的半碗火腿也給伊偷吃了，又打碎了堂屋裏一個金邊細磁的茶碗，人家買菠菜十四個子兒一斤，伊買要十……」

「趙媽！」他聽得不耐煩了。「你是在這屋裏做老了的，應該曉得我的脾氣，我是素來不喜歡聽這些囉囉事情的。」

「要是先前我們那位太太在這兒時，老爺，」伊接着往下說，「我決不會向您訴說些這樣事，這屋子裏也不會有這樣事，也不會用這樣的用人。如今新太太不管事，用人們胡來，吃虧的是您。老爺，我要不告訴您，我就對不住您，也對不住先前的太太……」

「知道了，你去好好做你的事。」他說，見黃媽轉身走了，又叫住伊，「太太起來沒有？」

「剛起來一會，正在洗臉呢。」  
「唔……」

這婆子咕嚕着走了。

他的眼光又回到桌上，面前仍是鋪着白地綠格子的稿紙，上面還沒寫下半個字。經黃媽一打岔，他更寫不出甚麼了。

這時他才覺到先前那位太太的好處了，要是伊在這裏，不但服侍得自己舒舒服服的，就是家中也管理得有條不紊，不致鬧成這樣子。伊雖呆板，但給予他以一個安靜的家，一個適宜於創作的靜的環境，伊懂得他的心——一個文人的心，慰貼得他無微不至。新的太太呢，活潑，漂亮，一個近代式的女人，確能使得青年男子為伊傾倒，為伊發瘋。可以做一個任何近代小說中的最漂亮的女主人公，但給予他的却是不斷的刺激，煩擾，和整天陪伊發瘋。伊能在一百樣親密的稱呼上使得他心癢，在另一百樣的接吻方式上使得他發狂，卻不能在一樣事上體貼他的心。前者是能細心體貼男人的女人，後者是要男人去細心體貼還不夠的女人，他漸漸覺得他所需要的女人並不是後者，他頗有點後悔他以前的舉動了。

想起以前的太太，他覺得他太對不起伊

了。六七年的夫婦，伊並沒有對不起他的地方，冬夜寫文章時，伊陪他一直到夜深，他有時發氣，罵，甚至打伊，伊除了哭以外，沒有別的反抗的表示。他的壞脾氣，伊能忍受，他的心，伊能體貼，得到的却是這樣一個報酬，怎不令伊傷心。自己的夢想，為自私的念頭，犧牲了一個柔弱的善良的婦人，來成全那自己並未得到的幸福，實在太可耻了！

他又想到昨晚和他新夫人在跳舞場中的情形，把自己丟在一邊，和那個滑頭少年老是抱着跳，他微微示意伊不要那樣，伊却跳得更兇，故意做出許多淫蕩的樣子給他看。他覺得近代的女子真難對付極了，太緊，伊會咬你一口，太鬆，伊會從你手中跳到別人手去。

回頭眼光又落到稿紙上，紙上仍是沒寫字，他的腦子這時愈加紊亂，心裏急得甚麼似地，「第四階級」「第五階級」，早已不在他腦內，另一些如麻的思潮糾纏在一起，亂絞亂翻，使得他心頭煩悶到萬分。兩手亂搔着頭髮。忽然他像發瘋似地，舉起棒上的墨盒向對面擲去，那牆上相框裏

的玻璃早已應聲而碎了，相框有繩子絆住，還未掉下，新婚夫人的倩影在空中晃了晃。他愕然了，幾乎不相信剛才這事是他做的。

窗外一陣高跟底鞋答答地響，

「甚麼時候溜出來的？訊也不給我一個，剛才是甚麼響？」

「沒有甚麼，乖，」他勉強鎮定住自己，「一個水盂摔在地下你不要進來，這屋子有怪味兒，我就出來了。」

「來，快來，溜了出來，不給我訊，該罰。」

「罰甚麼？」

「罰你陪我去鳳鳴理一點鐘的髮。」窗外笑着說。

「我不去理髮，誰耐煩坐那麼久。」他說。

「兩天不刮鬍子了，」伊攆着他望外走，頭倚在他懷裏，「不理髮，鬍子也該刮，不然——」伊笑着，沒往下再說。

回到房中，他癡癡地隨着他夫人把衣服換好。兩人剛走到大門，他像忽然想起甚麼似的，又回身轉來。在裏院找到黃媽，輕輕地告訴伊馬上去把書齋裏的碎玻璃收拾好，再去大街上配一塊玻璃。另外給了伊一塊錢，教伊不要讓旁人——尤其是太

太——知道。吩咐好了，這才往大門走去。





伊已在門口等得不耐煩了，問他轉回去做甚麼？他回答說是取錢。

「這裏已有我們兩人的理髮和車錢了。」

伊揚着手中的銀鍊條的小錢包說。

「回頭我們不是還要去榮華齋吃早點嗎？你不是頂喜歡那裏的加厘餃？這點錢怎够！」

「親愛的，你真懂得一切，是一個會侍候女人的男人。」說着兩人携着手往街頭走去。





## 探參珍聞

(揆伯)

人參產於吉林省吉林敦化一帶。爲珍貴的補品。每年當立秋的前後。鄉人三五人至十人成爲一幫。携食糧入山尋覓。當他們發見了參苗的時候。他們並不是即刻將參挖出。他們先用三尺長的紅繩一根。繩的兩頭各繫銅錢圍在參苗的四周。據鄉人說。若不以繩圍住。人參會逃脫的。用繩圍了之後。一邊由一人揮扇。以防蚊蟲咬傷。一邊在數尺之外。用木棒（不是金屬製的）輕輕地慢慢地將土挖開。掘到近參的時候。更極輕地隨着鬚伸長的地方（參根曰鬚）將整個的參慢慢鬆動。再用一種鹿骨針將參取出。掘出之後。放在用松樹皮製成的筒中。裏面墊以石上所生的青苔。

據土人說。掘參要力避鐵器。掘時務求完善。因爲這和售價是有極大的關係的。至尋覓參苗。須眼光及經驗。亦有十數日不得一苗的時候。敦化東南一帶也有以種人參爲業的。他們種參的手續。更繁複得了不得。因爲種參的地方。不能過寒。也不能過熱。不能過乾也不能過濕。所以極難料理。據說自種參至成熟。約須十年。取出後。每枝也不過重三五錢。



時人彙誌



鄒作華

鄒作華三十五歲。字岳樓。吉林人。保定軍官學

校第五期砲科畢業。日本仕官學校第十二期砲

科畢業。歷充邊防軍教導團教官。東北陸軍砲

兵團長旅長司令軍長等職。東北軍縮編後。改充

砲兵訓練監。去秋復奉命籌辦興安區屯墾事宜。



# 國聞通信社

( 徵求各地民生疾苦之新聞 )

國聞通信社爲國人經營之唯一通信機關。平日以靈敏的手腕。進取的精神。搜集各方消息。供給全國中西各報之取求。創辦迄今。九年於茲。聲譽卓著。信用昭孚。茲鑒於年來國事蠭蟻。民生疾苦。或創於兵。或困於匪。或凜暴力之相迫。或苦苛政之難除。沉溺水火。欲訴無從。用是廣爲搜求。凡此項新聞投稿。均當極力宣傳。俾憂時愛國之士。得藉此研究治理之源。區區微衷。當爲國人所共諒。如蒙投惠。請寄上海總社編輯部。自當代爲刊布。